

17-18 (340-341)  
15.06.2013  
Հրատարակվում է  
1999թ. սեպտեմբերից

Հանաչել գիտնապարտություն և գիտարար, իմանալ զբանս հանճարոյ

# ԼՍԱՐԱՐ

Лусарар

ԳԻՏԱԿՐԹԱԿԱՆ ԹԵՐԹ

Lusarar

## ԽՐԱԽՈՒՄՈՒՄ՝ ԱՄԵՆԱԲԱՐՁՐ ՄԱԿԱՐԴԱԿՈՎ

Կրթության համակարգի նկատմամբ տարեցտարի աճող պետական հոգածության և ուշադրության հերթական վկայություն է առարկայական օլիմպիադաներում բարձր արդյունքների հասած դպրոցականների և նրանց ուսուցիչների՝ ԼՂՀ նախագահի բարձր ընդունելությանն արժանանալը:

Հունիսի 7-ին Նախագահի նստավայրի միստերի դահլիճում տեղի ունեցավ առարկայական օլիմպիադայի 77 եզրափակիչ փուլում հաղթած և գովասանագրերի արժանացած դպրոցականների ու նրանց ուսուցիչների պարգևատրման արարողություն: Մեծարանքի ու խրախուսանքի արժանացան գիտելիքի կրողն ու սերնամոզող:

Ներկա էին ԼՂՀ Ազգային ժողովի նախագահ Աշոտ Ղուկասյանը, վարչապետ Արա Յարությանը, կրթության և գիտության նախարար Սլավա Արյանը, պատգամավորներ, շրջվարչակազմի ղեկավարները, կրթության բաժնիների վարիչները, դպրոցների տնօրենները և ուրիշներ:

ԼՂՀ նախագահ Բակո Սահակյանը շնորհավորանքի առաջին խոսքն ուղղեց աշակերտներին:

- Դուք ցուցաբերել եք բարձր արդյունքներ և պարգևատրվել տարբեր կարգի դիպլոմներով ու գովասանագրերով: Դա, հավանաբար, ձեր կյանքի առաջին լուրջ հաջողություններից է: Ես մտաբերում եմ, որ հաջողությունները միշտ ուղեկցված են, լինեն անսպասելի և անսահման: Թող այդ հաջողությունները բազմապատկվեն՝ հպարտություն պարգևելով ձեր ուսուցիչներին, ծնողներին և մեզ բոլորին:

Հանրապետության դպրոցականների հետ մեծ հանդիպում կայանալու է առաջին անգամ, և սա հիմնալի նախաձեռնություն է, որն անպայման կունենա իր շարունակությունը և կդառնա բարի ավանդույթ: Նման մոտեցումը պայմանավորված է նրանով, թե ինչ կարևոր տեղ է հատկացվում կրթության և գիտության ոլորտներին մեր ժողովրդի կյանքում: Մենք կառուցում ենք մի պետություն, որտեղ գիտելիքը, կիրքն ու բազմակողմանի զարգացումը մարդը պետք է ունենան առանցքային դերակատարություն, և այդ մոտեցմամբ էլ իրականացվում է համապատասխան աշխատանք: Վերջին տարիների ընթացքում գրեթե երկու անգամ աճել են կրթությանը հատկացվող բյուջետային միջոցները, վերանորոգվում են ուսումնական հաստատությունները, կառուցվում նոր դպրոցներ ու մարզադահլիճներ, բոլոր աշակերտներն ապահովվում են անվճար դասագրքերով, դպրոցներում իրականացվում է համակարգչային ցանցի ներդրում: Հայ ժողովրդի կարևորագույն ռեսուրսը նրա ինտելեկտուալ ներուժն է, որը ոչ միայն անսպասելի, այլև ճիշտ օգտագործման դեպքում բազմապատկվում է ստանալով նոր որակ: Հենց մեր ժողովրդի մտավոր կարողությունն է հանդիսանում մեր պետության և նրա տնտեսության զարգացման ու զորացման ամենահուսալի գրավականները մեկը: Եվ պատահական չէ, որ արվում է հնարավորը՝ ժամանակակից կրթական համակարգ ունենալու համար, որպեսզի մեր երեխաները սովորեն նորմալ պայմաններում, ստանան բարձր գիտելիք-



ներ, քանի որ դուք մեր հարստությունն եք, և ձեզանից է կախված մեր վաղվա օրը, մեր ապագան: Մենք պարտավոր ենք ամեն ինչ անել, որ այդ ապագան լինի հուսալի ձեռքերում: Մեկ անգամ և շնորհավորում ենք ձեզ, ձեր ուսուցիչներին, ծնողներին, ովքեր միշտ ձեզ հետ են, ձեր կողքին և օգնում են, որպեսզի կարողանաք հաջողությամբ անցնել ձեր կյանքի այս կարևորագույն փուլը: Վստահ եմ, որ դուք կդառնաք հերոսական Արցախի արժանի քաղաքացիներ և պատվով ու նվիրվածությամբ կժառանգեք հայրենի երկրի հետագա զարգացման ու զորացման գործին:

ՀՀ-ում անցկացված դպրոցականների առարկայական օլիմպիադաների եզրափակիչ փուլում մրցանակային տեղեր գրաված և գովասանագրերի արժանացած 30 աշակերտների երկրի ղեկավարը հանձնեց արժեքավոր նվերներ:

Նոտեբուրով պարգևատրվեցին 1-ին կարգի դիպլոմակիրները **Այա Առուստանյան** (ռուսաց լեզու)՝ Ստեփանակերտի հ. 3 միջնակարգ դպրոց, 12-րդ դասարան, **Նարե Առուստանյան** (հայոց լեզու)՝ Մարտունու շրջանի Բերդաշենի միջնակարգ դպրոց, 12-րդ դասարան, նույն դպրոցի 10-րդ դասարանի աշակերտուհի **Մերի Սողոմոնյան** (հայ գրականություն)՝ **Մարտունու շրջանի Բերդաշենի միջնակարգ դպրոց, 9-րդ դասարան, Սերգեյ Հարությունյան** (ֆիզիկայից)՝ 2-րդ, մաթեմատիկայից՝ 3-րդ կարգի դիպլոմ, Երևանի Ա. Շահինյանի անվան ֆիզմաթ դպրոցի Ստեփանակերտի մասնաճյուղ, 9-րդ դասարան, Նախնական գիմնական պատրաստություն առարկայից՝ թիմի անդամներ **Լուսինե Առուստանյան**՝ Մարտունու հ. 1 միջնակարգ դպրոց, 11-րդ դասարան, **Սաթենիկ Հովսեփյան**՝ Թաղավարդի միջնակարգ դպրոց, 11-րդ դասարան, **Անուշ Բարխուդարյան**, Ասկերանի շրջանի Խնածախի միջնակարգ դպրոց, 9-րդ դասարան, **Լիանա Իսախանյան**՝ Մարտակերտի շրջանի Թալիշի միջնակարգ դպրոց, 10-րդ դասարան, **Անի Հարությունյան**, Ստեփանակերտի հ. 5 հիմնական դպրոց, 9-րդ դասարան, **Լուսինե Շահրամանյան**՝ հ. 10 հիմնական դպրոց, 9-րդ

դասարան: Նեթբուրով պարգևատրվեցին 2-րդ կարգի դիպլոմակիրները **Արմինե Հայրապետյան** (աշխարհագրություն)՝ Նորայրուղի միջնակարգ դպրոց, 12-րդ դասարան, **Լիլիթ Հարությունյան** (հայ գրականություն)՝ Մարտակերտի հ. 1 միջնակարգ դպրոց, 11-րդ դասարան, **Անի Վարդանյան** (հայ գրականություն)՝ Քաշաթաղի շրջանի Վարդուտի միջնակարգ դպրոց, 10-րդ դասարան, **Վարդանուշ Տիգրան** (օտար լեզու)՝ Ստեփանակերտի հ. 11 ավագ դպրոց, 12-րդ դասարան:

Բջջային հեռախոսով պարգևատրվեցին 3-րդ կարգի դիպլոմակիրները **Վահե Բարսեղյան** (պատմություն)՝ Ասկերանի շրջանի Այգեստանի միջնակարգ դպրոց, 9-րդ դասարան, **Էլլարա Հայրապետյան** (պատմություն)՝ Խաչնաչի միջնակարգ դպրոց, 11-րդ դասարան, **Արման Գրիգորյան** (ռուսաց լեզու)՝ Ստեփանակերտի հ. 3 միջնակարգ դպրոց, 9-րդ դասարան, **Արմինե Հայրապետյան** (մաթեմատիկա)՝ ֆիզմաթ դպրոց, 12-րդ դասարան, **Սիրանուշ Օհանյան** (աշխարհագրություն)՝ Մարտակերտի շրջանի Հաթերի միջնակարգ դպրոց, 12-րդ դասարան:

DVD նվագարկիչ ստացան գովասանագրերի արժանացած **Անահիտ Բաբայան** (ռուսաց լեզու)՝ Ստեփանակերտի հ. 3 միջնակարգ դպրոց, 11-րդ դասարան, **Արշալույս Գրիգորյան** (հայոց լեզու)՝ Հաթերի միջնակարգ դպրոց, 10-րդ դասարան, **Գայանե Գրիգորյան** (լեզուսաբանություն)՝ Մարտունու շրջանի Հերիերի միջնակարգ դպրոց, 10-րդ դասարան, **Արամ Երեմյան** (ռուսաց լեզու)՝ Ստեփանակերտի հ. 3 միջնակարգ դպրոց, **Դավիթ Հարությունյան**, Սամվել Միրզախանյան (ֆիզիկա), **Յուրի Սարգսյան** (օտար լեզու)՝ ֆիզմաթ դպրոց, 9-րդ, 11-րդ և 12-րդ դասարաններ, **Լուսինե Մինասյան** (աշխարհագրություն)՝ Մարտակերտի շրջանի Նոր Սեյտլուկանի միջնակարգ դպրոց, 10-րդ դասարան:

Պարգևատրվածների անունից արտի խոսք ասացին Մերի Սողոմոնյանը և Յուրի Սարգսյանը:

Աշակերտուհին իր երախտագիտությունը հայտնեց ԼՂՀ նախագահ Բ. Սահակյանին՝ հանրակրթական դաշտը մշտապես ուշադրության տակ պահելու և ուսումնական ձեռք-

բերումները խրախուսելու համար: Նա շնորհակալություն հայտնեց նաև ԼՂՀ և ՀՀ ԿԳՆ նախարարություններին՝ ի դեմս Ս. Արյանի և Ա. Աշոտյանի՝ պատշաճ, անկողմնակալ օլիմպիադաների կազմակերպման և բարեկիրթ ու հոգատար վերաբերմունքի համար:

- Այս ընդունելությունը որքան հաճելի, նույնքան պարտավորեցնող է: Եվ խոստանում ու հավաստիացնում ենք, որ թե՛ բուհում, թե՛ մեր հետագա կյանքում միշտ էլ կաշխատենք նույն ոգով և տրամադրվածությամբ,- ասաց Յուրի Սարգսյանը:

ԼՂՀ նախագահ Բակո Սահակյանի կողմից խրախուսանքի արժանացան նաև 1-ին կարգի դիպլոմակիր աշակերտների ուսուցիչները: 100-հազարական դրամ գումարով պարգևատրվեցին Ստեփանակերտի հ. 1 հիմնական դպրոցի տնօրեն, հայոց լեզվի և գրականության ուսուցչուհի **Ռոմելա Դադայան**, հ. 3 միջնակարգ դպրոցի ռուսաց լեզվի և գրականության ուսուցչուհի Կարինե Աբաջանյանը, Բերդաշենի միջնակարգ դպրոցի հայոց լեզվի և գրականության ուսուցիչներ **Էլմիրա Գարրիբեյան** և **Լուսինե Ավանեսյան**, ճարտարի հ. 1 միջնակարգ դպրոցի պատմության ուսուցչուհի **Լուսինե Սաֆարյան**, ՆՊՊ-ի ուսուցիչներ **Արսեն Հարությունյան** և **Վարուժան Աղաջանյան** (ք. Ստեփանակերտ, հ.5 և հ.10 հիմնական դպրոցներ), **Ֆեդյա Ապրեսյան** (գ. Թալիշ), **Զավեն Բաբայան** (գ. Թաղավար), **Վաղմիր Բարսեղյան** (գ. Խնածախ), **Արամ Խաչատրյան** (ք. Մարտունու, հ.1 միջնակարգ դպրոց):

«Այն պետությունը, որը կրթության համակարգին մեծ տեղ է տալիս, նշանակում է՝ մտածում է իր ապագայի մասին,- հայտնի այս խոսքի մեջբերումով իր ելույթն սկսեց Ստեփանակերտի հ. 1 հիմնական դպրոցի տնօրեն, ԱԺ պատգամավոր Ռոմելա Դադայանը: Իհարկե, ամեն տարի մեր աշակերտների մի սովոր խումբ մասնակցում է տարբեր օլիմպիադաների և ամեն անգամ արժանանում խրախուսանքի: Այս անգամ նրանք առավել բարձր խրախուսանքի արժանացան, որի համար՝ խորին շնորհակալություն: Կրթության ասպարեզը մի յուրօրինակ մարտադաշտ է, և այստեղ ևս պայքար կա. գիտելիքի պայքար, հանդուրժան պայքար, ապագայի պայքար, լավ ապրելու պայքար, և համոզված եմ, որ մեր ուսուցիչները կանեն ամեն ինչ, որպեսզի այսուհետ այս դահլիճը քիչ լինի, չտեղավորվեն աշակերտներն ու նրանց ուսուցիչները, և պարտադրված լինեք ավելի մեծ դահլիճում ընդունել նրանց: Առավել քան համոզված եմ, եթե ունենանք կայուն դասագրքեր, կայուն համակարգ, մեր աշակերտներն ամեն ինչ կանեն: Վստահեցնում եմ՝ մեր ուսուցիչները պատրաստ են տալու այն գիտելիքը, որ անհրաժեշտ է ապագայի մարդու ձևավորման համար:

Հպարտության և գոհունակության զգացում կար բոլորի հայացքներում, որն արտահայտեց նաև ԼՂՀ կրթության և գիտության նախարար Սլավա Արյանը, ով օլիմպիադայի ԼՂՀ հանրապետական փուլի հաղթողներին և նրանց ուսուցիչներին արդեն առիթ էր ունեցել շնորհավո-

րելու և խրախուսանքի արժանացնելու նախարարությունում:

- Մենք բոլորս հպարտ ենք, որ կարողացել եք ՀՀ-ում բարձր պահել մեր կրթական համակարգի պատիվը: Դա, իհարկե, ոչ թե մեկ, այլ նախորդ տարիների ու նաև այս տարվա ձեր նվիրված աշխատանքի արդյունք է: Օլիմպիադաներում պատահականություններ չեն լինում: Կարողանում է հաղթել նա, ով ունի խոր և կայուն գիտելիքներ: Ես համոզված ասում եմ, որ այս երեխաները մեր ապագան են՝ մեր ապագա գիտնականները, մանկավարժները, մյուս ոլորտների մասնագետները: Տարիների փորձը ցույց է տալիս, որ օլիմպիադաներում հաջողություններ ունեցող յուրաքանչյուր աշակերտ կարողանում է հաջողությամբ հանձնել ընդունելության քննությունները, ընդունվել առաջատար բուհեր: Այսօր երեխաների համար բացվել է մի այնպիսի լայն ճանապարհ, որ նրանք արդեն ձգտում են կրթություն ստանալ ոչ միայն Ղարաբաղում, այլ նաև Հայաստանում և արտերկրի առաջավոր բուհերում: Եվ դա՛ պետության որդեգրած քաղաքականության շնորհիվ: Այդ պայմանները որ ստեղծված են, նրանք անպայման պետությանը կփոխհատուցեն լավ մասնագետ դառնալով ու մեր հայրենիքին ծառայելով: Մեր այս ցուցանիշը ձեռքից չենք տա ու տարեցտարի ավելի կբարելավենք:

Դպրոցականների և ուսուցիչների համար ամռանը հուշ կմնա այս հանդիպումը, որն անմահացավ ԼՂՀ նախագահի հետ առանձին և խմբով լուսանկարվելով:

Հանդիպումից հետո ճեպագրույց ունեցանք օրվա հերոսներից մի քանիսի հետ՝ նրանց ուղղելով այս հարցը՝ «Ինչպե՞ս հասնել հաղթանակի»:

**Էլմիրա Գարրիբեյան**, ԼՂՀ վաստակավոր ուսուցիչ, որն ամեն տարի օլիմպիադայում հաղթող աշակերտներ է տալիս:

- Միստենատիկ, նպատակային, նվիրումով աշխատանքի: Այն պետք է լինի երկկողմանի՝ ուսուցիչների և աշակերտների կողմից: Եթե աշակերտը սխտեմատիկ պարսպում է, և ուսուցիչն էլ, աշակերտի հնարավորություններն օգտագործելով, կարողանում է նրան լիարժեք, խոր գիտելիքներ տալ, արդյունքն անպայման երևում է:

- **Լուսինե Սաֆարյան**, երիտասարդ ուսուցչուհի:

- Դա ամենացորդ նվիրում է, և հիմքում պետք է լինի սերը: Առհասարակ, երջանկությունը նրանում չէ, որ աշխատում ենք, այլ՝ որ դա սիրով ենք անում՝ անկախ նրանից, թե ինչ են աշխատում: Եթե սիրով ես անում, ու նվիրում կա, միանշանակ հաջողությունը ակնառու կլինի:

**Մարտունու շրջանի**, աշակերտուհի:

- Ես շատ եմ սիրում գրքեր ընթերցել, նաև՝ ռուս և արտասահմանյան: Արձակուրդներին էլ համագիտ չունեմ: Պետք է պարսպեմ, որ մասնակցեմ հայագիտական առարկաների համահայկական օլիմպիադային, որին կներկայանանք մեր դպրոցի թիմով՝ մեր ուսուցչուհի Լուսինե Սաֆարյանի գլխավորությամբ:

«ԼՍԱՐԱՐ»

ԱՆՑՈՒՂԱՐԶ

ՀՀ ԿԳՆ ՊԱՏՎԻՐԱԿՈՒԹՅՈՒՆՆ ԱՐՑԱԽՈՒՄ

Օրերս աշխատանքային այցով մեր հանրապետությունում էր ՀՀ կրթության և գիտության նախարարի գլխավորած պատվիրակությունը, որը հանդիպումներ է ունեցել Արցախի օրենսդիր և գործադիր իշխանությունների ներկայացուցիչների հետ:

Հունիսի 10-ին Հայաստանի Հանրապետության կրթության և գիտության նախարար Արմեն Աշոտյանին ընդունեց Արցախի Հանրապետության նախագահ Բակո Սահակյանը: Հանդիպմանը, որին ներկա էին ԼՂՀ կրթության և գիտության նախարար Սլավա Ասրյանը, պաշտոնատար այլ անձինք, քննարկվեցին Արցախում գիտության և կրթության զարգացմանը և այս ոլորտում երկու հայկական հանրապետությունների փոխգործակցությանը վերաբերող հարցեր:

Երկուստեք նշվեցին համագործակցության լայն դաշտի և հնարավորությունների առկայությունն ու դրանց արդյունավետ օգտագործման անհրաժեշտությունը:

Նախարար Սլավա Ասրյանի ուղեկցությամբ ՀՀ պատվիրակությունը նույն օրն այցելեց Փիշու միջնակարգ դպրոց և մասնակցեց նոր համակարգչային կաբինետի բացման արարողությանը: «Հայաստան» համահայկական հիմնադրամի և Արցախի կառավարության համաֆինանսավորմամբ կառուցված այս կթօջախը երկու երկրների կրթության ոլորտի պատասխանատուներին հյուրընկալում էր առաջին անգամ: Տերմ ընդունելություն, ապա՝ փոքր շրջայց կրթարանում: Ժամանակակից պայմաններով հագեցած Փիշու միջնակարգի հնարավորություններին ծանոթացրեց դպրոցի տնօրենը: Կրթօջախն ունի ժամանակակից շենքային և որակյալ ուսում ստանալու համար անհրաժեշտ բոլոր պայմանները: Ֆիզիկայի, քիմիայի կառավարված կաբինետներին ավելացել է ևս մեկը: Նոր համակարգչային կաբինետի բացումը կատարեց ՀՀ ԿԳ նախարար Արմեն Աշոտյանը: Հենց ՀՀ կրթության և



գիտության նախարարի նախաձեռնությամբ դպրոցը նվեր ստացավ 10 համակարգիչ: ՀՀ նախարարը գրույց ունեցավ ուսուցիչների հետ: Նա հետաքրքրվեց ուսման որակից ու ընթացքից: Իրենց հերթին ուսուցիչները մատնանշեցին որոշ առարկաներում ավելորդ ծանրաբեռնվածությունը: ՀՀ ԿԳ գերատեսչության ղեկավարը դիտարկումներն ու առաջարկություններն ընդունեց ի գիտություն՝ ապագա աշխատանքներում դրանք հաշվի առնելու խոստմամբ: Փիշու միջնակարգից ճանապարհը հյուրերին տարավ Արցախում առաջին դպրոցը: Ամարասի հինավուրց վանքում հայկական երկու հանրապետությունների կրթության և գիտության ոլորտների ներկայացուցիչներին սպասում էին Արցախի պետհամալսարանի մի խումբ շրջանավարտներ: ԱրՊՀ հայ բանասիրության և լրագրության ֆակուլտետի ուսանողներն արդեն երկրորդ տարին է՝ այստեղ են ստանում դիպլոմները: Առաջին վկայականի հանձնման պատիվը տրվեց ՀՀ ԿԳ նախարարին: Արմեն Աշոտյանը խոստովանեց, որ տարիների ընթացքում տարբեր տեղերում բազմաթիվ միջոցառումների է մասնակցել, այդ թվում՝ ուսանողական, բայց երբևէ առիթ չի ունեցել լինել մի միջավայրում, որտեղ միա-հյուսված են գիտելիքն ու հավատը, որտեղ այսքան շաղկապված լինեին հոգևորը, կրթականը, մշակութայինն ու պատմականը: ՀՀ կր-

թության և գիտության նախարարը խոստովանեց վառ պահել հիշողություններն այս ջերմ ու անկեղծ միջոցառումից:

Չակորված բարի ավանդույթը ողջունեց նաև ԼՂՀ կրթության և գիտության նախարարը՝ արարողակարգի համաձայն դիպլոմներ հանձնելով շրջանավարտներին: Սլավա Ասրյանը բարի երթ մաղթեց նրանց. «Անկասկած, ձեր ուսումնառության ժամանակ հանդիպել եք դժվարությունների, գուցե և թերաջուններ են եղել ձեր և դասախոսների կողմից, բայց որ հանձնել եք պետական որակավորման քննություններ, նշանակում է՝ դիպլոմով արդեն լիարժեք կարող եք մտնել ձեր կյանքի հերթական ուղին»:

ԱրՊՀ հայ բանասիրության և լրագրության ֆակուլտետի դեկան Հովիկ Մուսայելյանն ասաց, որ անցած տարի է ֆակուլտետում ձևավորվել մտահղացում՝ հանդիսավոր կերպով շրջանավարտների դիպլոմները հանձնել մի համալիրում, որտեղ 1600 տարի առաջ բացվել է հայկական առաջին դպրոցը: Բացի խորհրդանշական լինելուց, այն նաև հայրենասիրության դասեր է տալիս շրջանավարտներին, համոզված են կազմակերպիչները:

Հոգևորն ու կրթականը մերձեցնող միջոցառման ավարտը նույնպես խորհրդանշական էր: ՀՀ կրթության և գիտության նախարարն անակնալ էր պատրաստել ԱրՊՀ ռեկտորի համար: Ստեփան Դադայանի կրօքին Արմեն Աշոտյանն ամրացրեց ՀՀ կրթության և գիտության նախարարության Ոսկե մեդալը:

Սամվել ԲԱԱՅԱՆ



ՑՈՒՑԱՆԿԱՆԴԵՆԸ՝ ՏԵՆԱՋԱՆ ԱՆՆԱՏԱՆՔԻ ԱՐԳԱՍԻՔ

Օրերս Շուշիի Ա. Խաչատրյանի անվան պետական հունանիտար թուլեզում հանդիսավոր պայմաններում բացվեց ցուցահանդես, որում ներկայացված էին թուլեզի «Ջարդարային-կիրառական արվեստ և ժողովրդական արհեստ» բաժնի սաների գործերը: Ներկա էին Շուշի քաղաքի մտավորականությունը, հյուրեր Արցախի այլ վայրերից:

Բացելով միջոցառումը՝ թուլեզի տնօրեն Արա Հայրապետյանը ողջունեց հավաքվածներին և նշեց, որ ցուցահանդեսում ներկայացված են ուսանողների՝ 2012-2013 ուստարում ստեղծած աշխատանքները: Մասնավորապես ներկայացված են գունանկարներ, գծանկարներ, կոմպոզիցիաներ, գորգեր, կարպետներ, զոբելեններ, մանրանկարներ, դիզայնի գործեր և ձեռքի այլ աշխատանքներ, ընդհանուր առմամբ՝ ութ տասնյակ գործեր:

Շուշիի պատկերասրահի տնօրեն, թուլեզի նույն բաժնի դասախոս, ճանաչված նկարիչ Հովիկ Գասպարյանը նշեց, որ որպես նաև ապագա արվեստագետներ, կրթօջախի սաներին մեծ բախտ է վիճակվել ապրել և ստեղծագործել իրենց հայրենի եզերքում, ինչով և յուրաքանչյուրն իր ներդրումը բերած կլինի երաշխավորված ապագայի և համընդհանուր երջանկության կերտման գործին:

Ողջույնի խոսք ասաց կրթօջախի երկարամյա տնօրեն, Արցախի վաստակավոր մանկավարժ Ալբերտ Խաչատրյանը.

- Ուրախությամբ եմ արձանագրում, որ մեր հարագատ ուսումնական հաստատությունը, հաջողությամբ իրականացնելով ուսումնական գործընթացը, նաև այսպիսի ցուցահանդեսներ է կազմակերպում. - ասաց նա՝ հայտարարելով ցուցահանդեսի բացման մասին:

Ցուցահանդեսը կտևի մեկ ամիս: Նրանում ներկայացված աշխատանքների վերաբերյալ իրենց կարծիքները հայտնելու խնդրանքով դիմեցինք ներկաներից

մի քանի հոգու: Հովիկ ԳԱՍՊԱՐՅԱՆ, ՀՀ և ԼՂՀ նկարիչների միության անդամ.

- Ասեմ, որ քիչ չեն հետաքրքիր գործերը: Շատ լավ երեխաներ կան, որ ինքնատիպ բնավորություն ունեն: Ուրախությամբ եմ փաստում, որ նրանք գիտեն իրենց անելիքը նաև ազգային արվեստի առումով: Լավ ներուժ կա: Ինչի համար եմ սա ասում՝ հզոր երկիրը պետք է նաև կայացած, ներկայանալի արվեստ ունենա: Ու կարող եմ ասել, որ ներկայիս ցուցահանդեսը հենց այդ լավատեսությունն է փոխանցում:

Ջոյա ՆԵՐՍԻՍՅԱՆ, թուլեզի դասախոս.

- Անչափ տպավորված եմ, կեցցեն երեխաները: Բավականին շատ են հետաքրքիր աշխատանքները: Դե ինչ, կարող եմ գոհունակությամբ արձանագրել, որ գործընկերներիս տքնաջան ու հետևողական աշխատանքը այսպես արդյունավետ է: Օգտագործելով առիթը՝ ուզում եմ դիմորդների ուշադրությունը հրավիրել մեր կրթօջախի վրա. այստեղ նրանք կարող են վստահորեն կյանք մտնելու վկայագիր ստանալ:

Սարո ՍԱՐՅԱՆ, հասարակական գործիչ.

- Ուրախության և հուզմունքի պահեր ապրեցի, իհարկե, նաև գեղագիտական հաճույք ստացա: Ցուցահանդեսը մեկ անգամ ևս ապացուցում է, որ Շուշին մեր մշակութային և հոգևոր մայրաքաղաքն է: Այստեղ ներկայացված երեխաներն իրենց արվեստով և իսկապես աներևակայելի մտահորիզոնով ցույց տվեցին այս հրաշալի քաղաքի հսկայական ձգողական ու առիճքնող ուժը: Ու պետք է նշել նաև, որ ներկայացված աշխատանքներում զգալի է ստեղծագործողների կողմից հարագատ ժողովրդի ազատատեսչության յուրովի պատկերումը: Նաև՝ կարմիր թելի պես անցնում է քրիստոնեության գաղափարը:

Կարեն ՄԻՐԶՈՅԱՆ

ՎԵՐԱԳՏԱՅ ԵՐՋԱՆԿՈՒԹՅՈՒՆ



Հայ, ճակատագիրը հրամայում է մաքառել, ժպտալ արցունքների միջից, ելնել ընկած տեղից ու շարունակել ճանապարհը՝ պատրաստ նորանոր փորձությունների:

Եմնա Ֆահրադյան մարդուն նախախնամությունը սահմանել էր դառնալ իր ազգի ճակատագրի կրողը:

Ծնվել է Չայլու գյուղում, որտեղ բնակվում էին աշխատասեր, հայ հողին փարած մարդիկ:

Եկան դժնի օրեր: Ինչպես բոլոր համապոլիտիկները, նրա ընտանիքն էլ ստիպված եղավ դուրս գալ գյուղից, որովհետև հրասայլերի չղադարող կրակը մահ էր սփռում շուրջբոլորը: Թեև բազմաթիվ դժվարություններ հաղթահարեց, բայց կա-

մոքն Աստծո նոր օջախ ստեղծեց, դուստրերին ու որդուն ուսման տվեց: Այժմ երջանիկ տատիկ է նա: Ձբաղվում է սիրած աշխատանքով: Եվ ինչպես հայրենի գյուղում ունեցած քսանհինգ տարիների մանկավարժական աշխատանքի ընթացքում, հիմա էլ լի է չնարող եռանդով, իսկ իր ճշտակատարությամբ, աշխատանքի նկատմամբ հետևողականությամբ, սրտացավ վերաբերմունքով դեպի իր շրջապատը օրինակ է կոլեկտիվի համար:

Շատ ուրախալի է, որ էմնա Ֆահրադյան ուսուցչի և մարդու աշխատանքն ըստ արժանվույն գնահատվեց հանրապետության Նախագահի կողմից. այս տարի նա պարգևատրվեց «Երախտագիտություն» մեդալով:

Շահունյանի շրջանի Վ. Սարոյանի անվան միջնակարգ դպրոցի կոլեկտիվը շնորհավորում է նրան՝ ծննդյան տարեդարձի կապակցությամբ, մաղթում քաջառողջություն, երկար, բեղմնավոր գործունեություն: Թող որ նրա վերագտած երջանկությունը հարատև լինի:

Քարվաճառի Վ. Սարոյանի անվան միջնակարգ դպրոցի ուսուցչական կոլեկտիվ

ԸՆԹԱՑ

ՔՆՆՈՒԹՅՈՒՆ Է...

Հունիսի 15-ն է: Միասնական, պետական ավարտական և ավարտական քննությունները շատ առարկաներից արդեն հետևում են մնացել: Քննաշրջանի առումով ասել՝ թե՛ ամառ, այսօր կարծես հնաճ է հնչում: Խոսքը բնավ այն մասին չէ, թե քննությունները հիմա պակաս կարևոր են, այլ՝ որ մեր կյանքում նոր քննակարգի, նոր մոտեցման շնորհիվ այն աստիճանաբար դադարում է կրթական նշանակալից իրադարձություն լինել և պարզապես դառնում է կրթական առօրյայի մաս, բայց՝ կարևոր մաս:

Քննությունների այս ձևը ճիշտ է արտացոլում աշակերտի, դիմորդի գիտելիքները՝ հասարակության մեջ դեռ միանշանակ կարծիք չկա: Բայց որ չէին ուզե՞նա վերադառնալ այն ժամանակները, երբ ամբողջ հունիս ամսին դպրոցներում ավարտական քննություններ հանձնելուց հետո մի կարծ ժամանակ անց նորից պետք է քննություններ հանձնե՞ն, այս անգամ՝ բուհ ընդունվելու համար, ինչը լի էր հուզումներով, ապրումներով, կարծում ենք, ոչ մեկը չէր ուզե՞նա:

Այս քննաշրջանն աչքի է ընկնում նրանով, որ բոլոր առարկաներից թեստերը կազմված են շտեմարանների հիման վրա: Մի ժամանակ շտեմարաններին բացասաբար էին վերաբերվում՝ ասելով, որ դրանք չեն նպաստում տրամաբանության զարգացմանը, որ գիտելիքը երեխան ստանում է մեխանիկական սերտողությամբ մտապահելով, ինչը կարճ ժամանակ անց մոռացվում է: Այս հատկանիշներն այսօր էլ պահպանելով հանդերձ, շտեմարանները նաև իրենց առավելություն ունեն: Հենց թեկուզ նրանով, որ դրանք ներմուծման շնորհիվ թեստերը մեծ մասամբ ձեռքագաղթվել են վիճաբանական առաջադրանքներից, որոնք ծուղակային հարցադրումներ, կրկնակի պատասխաններ, ծրագրից դուրս առաջադրանքներ էին պարունակում և այլն: Գլխավորապես դրանով է պայմանավորված այն, որ մինչև այս քննությունները բոլոր առարկաների թեստերի շուրջ նախորդ տարիների պես աղմուկ չի բարձրացել: Ինչպես նաև՝ արդեն արձանագրվող բարձր միավորները: Համենայն դեպս, ԼՂՀ գնահատման և թեստավորման կենտրոնի տնօրեն Յու. Քարամյանն այդպես է կարծում:

Ներկայացնենք առ հունիսի 15-ը հանձնված միասնական քննությունների արդյունքները.

ԱՌԱՐԿԱՆԵՐ					
Միավորներ	Ռուսաց և և ցրակ	Հայոց և և ցրակ	Կենսաբանություն	Աշխարհագրություն	Համաշխ. պատմություն
0 - 7.25	78/24%	173/29%	29/37%	3/10%	6/24%
7.5 - 13.25	188/58%	312/53%	23/29%	18/62%	17/68%
13.5 - 17.25	46/14%	79/13%	12/15%	3/10%	1/4%
17.5 - 20	12/4%	27/5%	15/19%	5/18%	1/4%
Մասնակիցներ	324	591	79	29	26
Բացակայողներ	4	10	4	0	1

Նախորդ տարվա համեմատ ռուսաց լեզու և գրականություն, հայոց լեզու և գրականություն, կենսաբանություն առարկաների քննությունների արդյունքներում առաջընթացն զգալի է, աշխարհագրությունն ու համաշխարհային պատմությունը գրեթե պահպանել են նույն մակարդակը:

Առաջին անգամ 20 միավոր է արձանագրվել հայոց լեզու և գրականություն առարկայից (2 հոգի): Ավելացել է 17,5-20 միավոր (գերազանց) ստացողների թիվը:

Եթե այստեղ առաջընթացը բացատրվում է ճիշտ թեստեր կազմելու հանգամանքով, ապա կենսաբանություն առարկայի դեպքում, Յու. Քարամյանի տեսակետով, թեստեր կազմողները գնացել են «հոսանքի ուղղությամբ». թեստերն ըստ մասնագետների, շատ հեշտ էին և անգամ չեն համապատասխանել միասնական քննությունների չափորոշիչներին: Արդյունքը բարձր միավորներն են: Այստեղ էլ կան 20 միավոր ստացողներ (2 հոգի): Մի բան, որ նախորդ տարի ոչ միայն չկար, այլև ամենաբարձրը 15-16 միավորներն էին:

Թեստերը չափորոշիչներին չհամապատասխանելու մի վկայություն է և այն, որ կենսաբանություն, աշխարհագրություն առարկաների քննություններից «գերազանցները» գերակշռել են «լավ» գնահատականներին:

Բարդության աստիճանը չի պահպանվել թեստային համակարգում, որպեսզի նաև պահպանվի համաչափությունը լավ և գերազանց գնահատականների միջև:

Քննությունների արդյունքներին անդրադառնալիս սովորաբար առաջինը սկսում ենք կազմակերպչական մասից՝ թե ինչպես է պահպանվել կարգը: Ու ամեն քննության համար և ամեն տարի լսում ենք, որ կազմակերպչական մասով խնդիրներ չեն եղել: Այս խոսքերին զուցե թե այնքան էլ կարևորություն չէին տալիս՝ մտածելով, որ դա պարտադիր պայման է: Բայց վերջերս Ռուսաստանի կենտրոնական հեռուստատեսությամբ ցուցադրվեցին կադրեր EΓԶ-ի՝ միասնական քննությունների կարգի խախտման մասին, երբ դիմորդներն անարգել օգտվում էին բջջային հեռախոսներից: Այս փաստը մեծ աղմուկ է բարձրացրել երկրում, և անգամ կասկածի տակ է առնվել քննության արդյունքները ճանաչելը: Հարց է դրվել չեղյալ հայտարարել դրանք և նոր քննություններ անցկացնել: Տեսնելով այս ամենը՝ կրկին համոզվում ենք, թե ինչքան կարևոր է քննությունների անցկացման կազմակերպչական մասը բարձր մակարդակով ապահովելը: Իհարկե, Ռուսաստանի նման հսկա երկրում քննությունները վերահսկելը դժվար գործ է, բայց մյուս կողմից էլ՝ եվրոպական երկրներն էլ պակաս մեծ չեն, որտեղ հիմնականում միասնական քննությունները կազմակերպվում և ընթանում են բարձր մակարդակով, հակառակ պարագայում կարող են առաջ բերել գնահատականների կեղծում, որը զաղտնի մնալ չի կարող՝ տա-

խոսենք մեր խնդիրներից, ինչը ԳԹԿ տնօրենը չի բացառում: Եվ ամեն անգամ առիթ եղած դեպքում նա բարձրաձայնում է, որ մենք դեռ չենք հասել այն մակարդակին, որ դպրոցում աշակերտը գնահատվի ըստ իր գիտելիքի: Սա էլ պակաս չարիք չէ:

Ուսուցիչն է ամենից լավ իմանում իր աշակերտի իրական մակարդակը: Բայց դրան համապատասխան չի գնահատում: Թե ինչի են հանգեցնում գնահատականների չարաշահումները, շատ պարզ կարելի է տեսնել հատկապես ավարտական քննությունների ժամանակ, երբ ինը տարի շարունակ գերազանց գնահատված աշակերտը չի պահպանում իր գնահատականը: Ոչ միայն չի ստանում գերազանց համարվող 18-20 միավորը, այլև եզակի չեն այն դեպքերը, երբ ստանում են 13 միավոր և անգամ դրանից ցածր: Ծնողների բողոքարկումները ԳԹԿ անխուսափելի են: Շտապենք ասել, սակայն, որ արդյունք չեն տալիս: Գոնե այսքան ժամանակ, ԳԹԿ տնօրենի հավաստմամբ, չի եղել դեպք, որ գնահատական փոխվի: Դրանում կարելի է համոզվել հենց թեկուզ այն փաստով, որ հիմնական դպրոցն ավարտողների մեջ արդեն հազվադեպ են հատուկ

չի հարուցի, գուցե ընդհանրապես վերանան քննությունները: Բայց այսօր դեռ այն կա, և պետք է կազմակերպվի ու վերահսկվի օրենքի տառին համապատասխան:

ԼՂՀ գնահատման և թեստավորման կենտրոնը այս օրերին յուրատեսակ շտաբի է վերածվել: Միասնական քննությունների անցկացմանը զուգահեռ՝ պետք է ստուգվեն նաև 9-րդ դասարանների կենտրոնացված երկու՝ հայոց լեզու և գրականություն և մաթեմատիկա առարկաների քննությունների գրավոր աշխատանքները: Այստեղ նույնպես խստապահանջության նույն օրենքներն են գործում.



րածվում է աշխարհով մեկ՝ վարկաբեկելով տվյալ երկրի կրթական համակարգը: Ուրեմն՝ խնդիրը մարդկային գործոնի մեջ է, ցանկության, որ քննություններն անցկացվեն անաչառ, անկողմնակալ, արդար: Ուրիշ երկրների խնդիրը թողնենք մի կողմ:

Նմուշի վկայական ստացողները: Պատկերացնել կարելի է երեխայի, ծնողի հիասթափության աստիճանը, երբ մեծ փաստի առաջ են կանգնում: Ամբողջ ինը տարվա արդյունքը մի քննությունից մի անգամից ջուրն է թափվում:

ԳԹԿ տնօրենը սրանում միայն ուսուցչին է մեղադրում: Նրա արարքը «հանցանք» բառով որակելը խիստ է, իհարկե, բայց ի վերջո, երբ իրենց խաբված են զգում աշակերտը, ծնողը, ինչը հանգեցնում է սթրեսների՝ իր բացասական հետևանքներով, ակամայից այդ մտքին ես հանգում:

Հասարակությունն էլ վերջապես պետք է գիտակցի, որ գլխավորը գիտելիքն է, ոչ թե գնահատականը: Ի վերջո, մարդ գիտելիքն է իր հետ տանում, ոչ թե գնահատականը: Համոզված ենք, այդ ժամանակներն էլ կգան: Եվ երբ դպրոցի գնահատականն այլևս կասկած

պահպանվում է գաղտնիությունը, գրավորները կորավորված են և այլն: Ստուգումներն իրականացնում են ԳԹԿ աշխատողները, հրավիրվում են նաև դպրոցներից մասնագետներ՝ ընդարձակ պատասխաններով մի քանի առաջադրանքներ ստուգելու նպատակով: Բոլորի հետ միասին ստուգումներին մասնակցում է նաև ԳԹԿ տնօրենը, ստուգված աշխատանքները ստուգում մի քանի անգամ: Ինչպես ասում են՝ գլխավոր պատասխանատուի զգոն աչքը բոլորի վրա է: Աշխատասենյակում գործի է դրված անև տեսախցիկը...

Ինչպես արդեն ասացինք, բողոքարկումները քիչ չեն լինում: ԳԹԿ տնօրենը դա բնական և անգամ ուրախալի է համարում, քանզի յուրաքանչյուր բողոքարկում իր հետ բերում է հանգամանալից վերլուծություն, պարզաբանում, ինչի արդյունքում բողոքարկողը բավարարված հեռանում է:



ԲԱՑ ՊԱՐԱՊՄՈՒՆԵ

ՍԵՓԱԿԱՆ ՕՐԻՆԱԿԸ ԱՄԵՆԱԼԱԿ ՄԵԹՈԴՆ Է ՌԻՍՈՒՑՄԱՆ

Հունիսի 1-ը՝ Երեւանի պաշտպանության միջազգային օրը, հատկանշվում է ոչ միայն մեծերի՝ փոքրերին արված նվերներով, այլ նաև, թե ինչպես են աշխատում նրանց համար: ԼՂՀ կրթության և գիտության նախարարության կողմից նախադպրոցական հաստատությունների դաստիարակչուհիների միջև այդ օրը կազմակերպվող «Հմուտ ձեռքեր» ամենամյա մրցույթը հենց այդ նպատակն է հետապնդում:

Օրվա առթիվ Ստեփանակերտի մշակույթի և երիտասարդության պալատում առավելագույնից աշխուժություն էր տիրում: Մայրաքաղաքի և շրջանների շուրջ քսան մանկապարտեզների դաստիարակչուհիներ իրենց ձեռքի աշխատանքներն էին ցուցադրում: Ու ոչ միայն ցուցադրում: ԼՂՀ ԿԳՆ նախադպրոցական և արտոդպրոցական բաժնի պետ ժաննա Այվազյանի խոսքերով՝ այս տարի նորամուծություն են մտցրել մրցույթի կարգում. դաստիարակչուհիները ներկայացրած գործերի հետ միասին նաև տեղում կատարում էին այդ աշխատանքները, որպեսզի հանրապետական գնահատող հանձնաժողովը և առհասարակ, ներկաները համոզվեն, որ դրանք, իրոք, նրանց ձեռքի աշխատանքն է:

Երկու ժամ շարունակ Մշակույթի պալատի ճեմասրահը յուրօրինակ արվեստանոցի էր վերածվել: Մանկապարտեզների դաստիարակչուհիները խումբ-խումբ կամ առանձին իրենց հատկացված սեղան-տաղավարներում եռանդուն գործի էին անցել: Ինչ նյութերով ասես որ նրանք չէին աշխատում. ներկերը, մատիտները, սոսիճեն ու կերպարվեստի մյուս նյութերը ամենավերջին ատրիբուտներն էին. հիմնականը բնական նյութերն էին՝ բրինձ, ոսպ, հնդկացորեն, մակարոն, արևածաղկի սերմ, կոճակ, ուլունք, թուղթ, ոստեր, կավ, պլաստիլին, պլաստիկ շշեր, անպետք իրեր, որ սովորաբար դեն ենք մետում... բոլորը հնարավոր չէ քվարկել: Դրանք դաստիարակչուհիների վարժ ու հմուտ ձեռքերի տակ վերածվեցին գեղեցիկ իրերի, հուշանվերների: Երկաները հիացած էին փոքրիկ այդ ցուցա-

հանդեսով, դաստիարակչուհիների երակալությամբ: Նրանք կոմպոզիցիաներ ստեղծեցին հին ու նոր Արցախի մասին, որն էլ մրցույթ-



թի թեման էր: Գնահատող հանձնաժողովի անդամներն անցնում էին սեղանների մոտով և նշումներ անում: Նրանց համար, իրոք, դժվար էր ընտրություն կատարել:

Մրցույթի արդյունքների ամփոփումը կատարվեց կրթության և գիտության նախարարությունում: Գնահատող հանձնաժողովի եզրակացության հիման վրա որոշվեցին մրցանակային տեղերը, և կատարվեց պարգևատրման արարողություն ԼՂՀ կրթության և գիտության նախարար Այվա Ասրյանի կողմից:

Մրցանակային առաջին պատվավոր տեղը բաժին հասավ Բերձորի մանկապարտեզին և անհատական Ստեփանակերտի հ. 2 մանկապարտեզի վաստակաշատ դաստիարակչուհի Ռոմելա Իսախանյանին: Երկրորդ տեղը զբաղեցրին Ստեփանակերտի հ. 1 պետական և «Սոսե» մանկապարտեզները, երրորդ տեղը՝ Ասկերանի Հայ ավետարանչական ընկերակցության (ՀԱԸ) և Ստեփանակերտի հ. 3 պետական

մանկապարտեզները: Նրանք պարգևատրվեցին նախարարության դիպլոմներով և դրամական պարգևով:

Մի շարք մանկապարտեզներ հաղթող ճանաչվեցին տարբեր անվանակարգերում. Մարտունու հ. 1 և հ. 2 պետական մանկապարտեզները՝ «Արցախյան ծիածան» և «Արցախյան հորովել», Շուշիի «Սոսե»՝ «Իմ արմատները», Ստեփանակերտի հ. 2 պետական և ՀԱԸ՝ «Հոգևոր Արցախ», «Գույների աշխարհ», Մարտակերտի հ. 1 պետական մանկապարտեզները՝ «Արցախյան բնաշխարհ» անվանակարգերում: Նրանք պարգևատրվեցին նախարարության պատվոգրով և հուշանվերներով:

Ավտոմատ մասնակցության համար նախարարության պատվոգրին ար-



ժանացան Ասկերանի շրջանի Խաչենի և Խնապատի պետական, Շուշիի ՀԱԸ և Քարին տակի պետական, Մարտակերտի ՀԱԸ և Հաղրուի շրջանի Սեծ Թաղերի «Սոսե» մանկապարտեզները:

Շնորհավորելով պարգևատրվածներին՝ ԼՂՀ կրթության և գիտության նախարար Այվա

Ասրյանը միաժամանակ շնորհակալություն հայտնեց նրանց՝ ասելով. «Արդյունքները վկայում են ձեր նվիրված աշխատանքի ու նաև այն մասին, որ ձեր կարողություններով և հմտություններով կարողանում եք զարգացնել փոքրիկների ստեղծագործական կարողությունները և նրանց մեջ սեր առաջացնել կերպարվեստի, նկարչության և առհասարակ, գեղեցիկի նկատմամբ: Սեփական օրինակը ամենավավ մեթոդն է ուսուցման»: Նախարարը մատնանշեց նրանց աշխատանքը նաև կրթության մյուս ուղղություններով, այն, որ նախնական կրթական պահանջները ձևավորվում են մանկապարտեզում, և այդ գործում մեծ է դաստիարակչների ճիշտ աշխատանքը: Այդ առնչությամբ նախարարն անդրադարձավ պետական քաղաքականությանը: Նշելով, որ քիչ բան չի արվել հետապետրագմյան շրջանում նախադպրոցական ցանցի վերականգնման ուղղությամբ, Ս. Ասրյանը հավաստիացրեց, որ հարցը այժմ էլ գտնվում է իշխանությունների ուշադրության կենտրոնում: Մանկապարտեզների պահանջարկը մեծ է ոչ միայն մայրաքաղաքում, այլև բոլոր համայնքներում: Նա տեղեկացրեց, որ ներկայումս ութ մանկապարտեզների շինարարական աշխատանքներ են ընթանում: Բայց մինչև ցանցի լիարժեք վերականգնումը հետևյալ քաղաքականությունն է մշակվել. հինգ տարեկան երեխաներին ընդգրկել դպրոցներին կից նախապատրաստական խմբերում և ստեղծել մանկապարտեզային պայմաններ, որպեսզի նրանք կարողանան անհրաժեշտ նախադպրոցական կրթություն ստանալ:

Դաստիարակչուհիների աշխատանքի մի վառ ներկայացում էր օրվա երկրորդ կեսին Մշակույթի պալատում կազմակերպված համերգը մայրաքաղաքում գործող մանկապարտեզների երեխաների մասնակցությամբ, որն իրենց ծնողների հետ նայելու էին եկել հասարակության փոքրիկ և ամենագեղեցիկ անդամները:

Ս. ԽԱՉԱՏՐՅԱՆ

ՂԱՍԸ ՎԱՐՈՒՄ ԷՆ ՓՈՐՁԱՊՈՒ ՄԱՆԿԱՎԱՐԺՆԵՐԸ

Երբ թելադրողը մանկավարժի երկարամյա գործունեության ընթացքում բյուրեղացած կենսափորձն է, ակնկալիքներն, անշուշտ, մեծ են: Իսկ երբ այդ կենսափորձին գունարվում են անխոնջ պրպտումը և գիտելիքների նորովի մատուցումը, արդյունքն ավելի քան գոհացուցիչ է:

Անցած ամիսն այս առումով Շուշիի Արսեն Խաչատրյանի անվան պետական հումանիտար քոլեջում յուրօրինակ էր: Իրար հաջորդելով՝ դաս-միջոցառումներն էին կազմակերպել քոլեջի երկու բազմափաստակ մանկավարժներ՝ ռուսաց լեզվի դասախոս Նինա Ազիզյանը և մաթեմատիկայի դասախոս Նաիրա Պողոսյանը: Երկար տարիների մանկավարժական գործունեությունը, չխաթարելով մարդու և մանկավարժի մարդկային բնութագիրը, ընդգծել է նրանց ապրելու և գործելու կերպը: Նաիրա Պողոսյանը (ուսումնադաստիարակչական գծով երկարամյա փոխտնօրեն) նախանձելիորեն համակված է դիմացինի մեջ առաջին հերթին լավ տեսնելու և գնահատելու, նկատած թերությունն աննկատ ուղղելու մեծահոգությամբ: Նինա Ազիզյանը՝ չափից դուրս համեստ, կիրթ և հավասարակշռված, նույնը՝ նույնիսկ ամենադժվար դաստիարակվող ուսանողի հետ:

Հեռու լինելով մեկը մյուսի կրկնությունը լինելուց՝ յուրաքանչյուր դաս կրում էր իր առարկայի բնութագրի կնիքը: Առաջինում գեղարվեստի խոսքն էր, երբեք չխամրող գեղարվեստականությունը, երկրորդում՝ մաթեմատիկական ճշգրտությունը և սեղմության լեզուն:

Մաթեմատիկայից բաց դասը «Դասավանդում տարրական դասարաններում» բաժնի 2-րդ կուրսում էր: Դա համագործակցային դաս էր: Արդեն երրորդ տարին է՝ քո-

լեջում հաջողությամբ իրականացվում է մոդուլային ուսուցում: Այս դասը մոդուլով նախատեսված արդյունքներից մեկի մի յուրօրինակ քննություն էր նաև, որը հավաստեց ուսուցման այս ձևի արդյունավետությունը:

Նախ, ուսանողները ներկայացրին մեկական երկրաչափական մարմին, որն իրենք էին պատրաստել որպես տնային հանձնարարություն: Այնուհետև կուրսը բաժանվեց երեք խմբի: Յուրաքանչյուր խմբից մեկ անդամ փակ ծրարով քաշեց երկրաչափական մարմնի կամ պատկերի անուն, որով կոչվեց խումբը՝ պատման մարմիններ, եռանկյուն, բազմանկյուն: Յուրաքանչյուր խմբի համար հայտնի դարձավ նաև այն սեղանիկը, որի վրա դասավորված երկրաչափական պատկերները պետք է ներկայացնեին իրենք: Հատկապես 3-4 րոպեների ընթացքում ուսանողները երևան հանեցին երկրաչափական մարմինների մասին ունեցած իրենց գիտելիքները: Ստացվում էր մի տեսակ պատասխան-հավելում, երբ ուսանողները հնարավորություն ունեին ընթացքում ավելին հիշելու և պատասխանելու: Այս և հաջորդ առաջադրանքների ժամանակ թիմի յուրաքանչյուր անդամի գնահատում էր խումբը, իսկ խմբին՝ դիտողները: Այնուհետև խմբերը պատասխանեցին բլից-հարցերին, որոնք կազմված էին երեք տարբերակով, յուրաքանչյուրում՝ 30 հարց, որոնց մեջ ընդգրկված էին նաև հարցեր նա-



սանողների գործնական ունակությունների ու կարողությունների ստուգման նպատակ: Նույն սկզբունքով ընտրված հարցաթղթիկների համաձայն՝ ուսանողները հաշվեցին երկրաչափական մարմինների լրիվ մակերևույթի մակերեսը և ծավալը: Կերպին հանձնարարությունը մաթեմատիկական ռեբուսի լու-

ծումն էր, պահանջը՝ վերծանել բառը: Ի լրումն այս ամենի՝ ուսանողները դասի վերջում ներկայացրին ռեֆերատներ, որոնք պարունակում էին հարուստ տեղեկություններ երկրաչափական մարմինների մասին, սակայն ոչ թե մաթեմատիկայի բնագավառում, այլ իրական աշխարհում: Մասնավորապես, ներկայացվեցին «Բազմանիստերը բնության մեջ, կենդանական աշխարհում, ճարտարապետության մեջ» թեմաները:

Մաթեմատիկայի լուրջ դասը, ինչպիսին սովոր ենք տեսնել հաճախ, այս անգամ նման ստեղծագործ մոտեցմամբ՝ աշխույժ էր, հագեցած, շատ բան առող:

Ռուս գրականությունից դաս-միջոցառումը ոչ թե համագործակցային էր, այլ՝ համագործակցություն: Մի կրթօջայիսում, ուր աշխատում են երաժիշտը, նկարիչը, ձևավորողը... համագործակցությունը դյուրին է ու ինքնըստինքյան: Դասը նախածեռնել էր Նինա Բախշինյան: Այն նվիրված էր ռուս մեծ դասականի՝ Մ.Յու. Լերմոնտովի ծննդյան 200-ամյակին: «Չնայած Լերմոնտովի 200-ամյա տարեդարձին դեռ մնում է մեկ տարի, ես շտապել եմ իմ սիրած բանաստեղծին ներկայացնել իմ սիրելի կուրսի հետ: Նրանց, ցավոք, մյուս տարի չեմ դասավանդելու». սա «Թարգմանություն և գործավարություն» բաժնի 3-րդ կուրսի մասին է ասված: Բայց, ով գիտե, քանի՜ այսպիսի սերնդի մասին է սրտի նման թրթիռվում խանդաղատանքով խոսել նա:

Վերջում ժամանակաշրջանի պատկերն ամբողջացնելու եկան դասական պարերը, որով հանդես եկան ուսանողները:

Լարիսա ՄԻՆԱՍՅԱՆ  
Շուշիի Ա. Խաչատրյանի անվան պետական հումանիտար քոլեջի «Ջրասաշրջություն» բաժնի 2-րդ կուրս

ՄԱՆԿԱԿԱՐԺԱԿԱՆ

ՈՒՍՈՒՑԻՉ-ԱՇԱԿԵՐՑ ՓՈԽՅՈՒՄԱԲԵՐՈՒԹՅԱՆ ԱԶԴԵՑՈՒԹՅՈՒՆԸ

Ուսուցումն ուսուցչի և աշակերտի առողջ փոխհարաբերությունների նպատակաորոշված գործընթաց է, որի զարգացման յուրաքանչյուր փուլ (խթանում, իմաստի ընկալում, կշռադատում) միանշանակ մեծ ազդեցություն է բողոքում կրթության որակի և նակարդակի բարձրացման վրա: Այդ փոխհարաբերությունների մեջ պահանջվում է երկկողմանի հարգանք: Այսինքն՝ ոչ միայն աշակերտը պետք է հարգի ուսուցչին որպես մարդ և մասնագետ, այլև ուսուցչին աշակերտին պետք է վերաբերվի որպես անհատի, այլ ոչ թե միայն դասավանդվող սուբյեկտի: Նմանատիպ մոտեցում պետք է ցուցաբերվի սկսած առաջին դասարանից, որն էլ հենց որոշում է կրթության որակի աստիճանը: Ուսուցչի աշակերտ փոխհարաբերությունների մեջ հոգեբանական մոտեցումները հանգամանորեն ներկայացնում են կոնկրետ դասավորության ընթացքում: Օրինակ՝ «Նյարդային համակարգի հիգիենան» անցնելիս ուսուցչի ջանքերը «Մտքերի տարակի» մեթոդով նախ ակտիվացնում ենք աշակերտներին: Ուղղորդող հարցը գրում ենք գրատախտակին («Նյարդային համակարգի վրա ազդող ինչ գործոններ գիտե՞ք»), որից հետո լսում և գրում ենք յուրաքանչյուր աշակերտի պատասխանը: Մտքերի շատ ու ազատ արտահայտություններ կարող են հնչել միայն այն ժամանակ, երբ չկա քննադատություն, այսինքն՝ ցածր գնահատական, քննադատ, ինչպես նաև կողմնապահություն: Մենք երբեմն մոռանում ենք, որ աշակերտը շատ ավելի է տեսնում և հասկանում, քան մենք պատկերացնում ենք: Չպետք է անտեսենք որևէ աշակերտի պատասխան կամ էլ գրի առնելուց հոնքերը կիտենք, ուսերը բարձրացնենք և այլն: Այսինքն, սկզբնական խթանում փուլում, շեշտը պետք է դնենք ոչ թե լաված ճիշտ պատասխանների, հետևաբար և, մտքերի որակի, այլ մտքերի քանակի վրա: Պետք է խրախուսենք շատ և բազմատեսակ մտքեր արտահայտելը: Դա աշակերտների մոտ համարձակության դաստիարակության առաջին քայլն է, որը տանում է ինքնահաստատման զարգացման: Նման գործունեությունից հետո անվստահ աշակերտը հնարավորություն է ստանում քննարկել արտահայտված մտքերը՝ սեփական տեսակետները հայտնելու միջոցով: Այս ամենը նպաստում է աշակերտի մոտ լիարժեքության զգացողության, առողջ հոգեբանության և հասարակության մեջ լիիրավ անհատի ձևավորմանը: Եթե աշակերտը մեր վերաբերմունքի մեջ զգում է անվերջ հարգանք իր պատասխանի,

հետևաբար նաև, իր անձի հանդեպ, ապա նրա մեջ սկսում է ձևավորվել, զարգանալ պատասխանատվության զգացում: Օրինակ՝ նույն թեմայի իմաստի ընկալման փուլում գրատախտակին ուսուցիչը գծում է Դ-աձև աղյուսակ և լրացնելու համար գրատախտակի մոտ է կանչում անվստահություն, անհամարձակություն ցուցաբերող աշակերտի: Աշակերտը պետք է տարբերի նյարդային համակարգի վրա ազդող գործոնները և դրանցից առանձնացնի դրական ու բացասականը: Աշակերտն անվստահ է իր ճիշտ գիտելիքների նկատմամբ և դժվարանում է ընտրության մեջ: Մեր մանկավարժական հմտությունը դրսևորվում է նման դժվար իրավիճակներում, քանի որ մի թեթև սխալ քայլը կարող է որոշել աշակերտի մեջ սովորելու հանդեպ ցուցաբերած վերաբերմունքը: Այս իրավիճակում մենք ժպիտով և խրախուսական հայացքով նախ պետք է աջակցենք աշակերտի երեքուն պատասխանին, հետո նրբանկատորեն օգնության կանչենք դասարանի աշխույժ աշակերտներին, բայց պետք է այնպես անենք, որ աշակերտը դա ընդունի որպես ընկերոջ օգնություն, որի մեջ վատ բան չկա: Այս մթնոլորտում նման աշակերտներն ավելի համարձակ են դառնում՝ վստահ լինելով, որ իրենց չեն ծաղրի կամ նախատի: Մեր կողմից ցուցաբերված նման մոտեցումը հանգեցնում է նրան, որ աշակերտի մոտ սկսում է ամրապնդվել վստահությունը և հետագայում դեպի դասավանդող ուսուցիչը, դեպի մեզ: Դ. Աղայանը «Պարտավորությունն ընկալելու» հոդվածում հատուկ ուշադրություն է դարձրել ուսուցչի հեղինակությանը: Նա ընդգծել է, որ ուսուցչի հեղինակությունը պետք է դիտել իբրև աշակերտի անձնավորության դաստիարակչական ներգործության հատուկ ուժ: Չեղիմակալոր ուսուցիչը մեծ վստահություն է վայելում սովորողների կողմից: Նրա խոսքերը, վարմունքը, ժեստերը և նույնիսկ դիմախոսը սովորողների կողմից ընկալվում են իբրև որոշակի գործողությունների կամ դրանց կասեցման ազդակ: Այս վստահությունը կարևոր խթան է կրթական համակարգում ճիշտ ուսուցման համար: Այսինքն՝ փուլային ուսուցումը, որի ընթացքում աշակերտը ձեռք է բերում գիտելիք, հմտություն և կարողություն, դառնում է արդյունավետ, վստահությունը վեր է ածվում համարձակության: Դա նպաստում է սովալ

թեմայի շուրջ աշակերտների ինքնուրույն, հստակ արտահայտվելուն: Նման իրավիճակում աշակերտը ոչ միայն սկսում է հանգիստ արտահայտվել, այլև լրացնել ընկերների մտքերը, հակադրվել ընկերներին՝ ավելի ամրապնդելով սովալ ուսուցանվող նյութի հիմնական գաղափարները: Նույն թեմայի իմաստի ընկալման փուլում «Ուղղորդող ընթացակարգ» մեթոդով մենք աշակերտին հանձնարարում ենք կարդալ դասի համապատասխան պարբերությունը, որից հետո բաժանում ենք Դ-աձև աղյուսակները և պահանջում դրանք նախ լրացնել անհատապես, հետո քննարկել զույգերով, վերջում՝ խմբերով: Նման աշխատանքն անհատական մոտեցումից աշակերտներին համախմբում է խմբային համակարգ, որտեղ սկսում է զարգանալ խմբի անդամների դրական փոխկապակցվածությունը, խմբի ներսում և խմբերի անդամների միջև դեմ առ դեմ փոխազդեցություն և վերջապես անհատական հաշվետվություն և պատասխանատվություն ինչպես սեփական, այնպես էլ ամբողջ խմբի համար: Նույն թեմայի կշռադատման փուլում դասարանը բաժանում ենք երեք խմբի և յուրաքանչյուրին տալիս համապատասխան աղյուսակը:

մոտեցումը մեզանից պահանջում է աշակերտի բարդ ներաշխարհի ուսումնասիրություն և այն պայմանների վերլուծություն, որոնց մեջ տեղի է ունեցել նրա զարգացումը: Անհատական դաստիարակչական աշխատանքը հաճախ տարվում է ոչ թե նրանց հետ, ովքեր դուրս են մնում կոլեկտիվից ու հակադրվում են նրանց, այլ, ինչպես Ա. Մակարենկոն է գրում. «Մենք սպասում ենք, որ աշակերտը կատարի այս կամ այն զանցանք, որից հետո սկսում ենք դաստիարակել նրան: Այն աշակերտը, որ զանցանք չի կատարել, մեզ չի զբաղեցնում. ուր է նա գնում, ինչ բնավորություն է զարգանում թվացող կարգին արտաքինի տակ մենք չենք իմանում և իմանալ չենք կարողանում»: Ուրեմն՝ պետք է դաստիարակենք, տեսնենք բոլորին: Դասարանը կազմված է ոչ թե մեկ, այլ շատ անհատ աշակերտներից, որոնցից յուրաքանչյուրը զգում և իր հանդեպ պահանջում է նմանօրինակ վերաբերմունք: Մեր՝ մանկավարժի հմտությունն ու մեծությունը որոշվում է նրանով, թե քանի այդպիսի անհատ աշակերտների հետ մենք կարող ենք աշխատել, ինչպես նաև այդ անհատներին խմբավորել որպես մեկ ամբողջություն՝ նպաստելով առողջ կոլեկտիվի ձևավորմանը: Նմանատիպ գործունեությունը կոլեկտիվի ներսում բերում է ինքնավերահաստիարակման զարգացմանը, բարձրացնում դասարանի կրթության որակը: Ձևավորված կոլեկտիվը փորձում է տարբերվել շրջապատից, դառնալ լավագույնը, քանի որ ուսուցման գործընթացում ձեռք բերած գիտելիքները ստիպում են խմբի անդամներին զբաղվել ինքնակրթության բարձրացմամբ: Ինքնակրթությունը արվեստի, գիտության, սոցիալական, բարոյագիտական, հայրենասիրական ոլորտների ճանաչողության սահմաններն են (ցանկանում է դառնալ լավագույնը): Այսքանը բավական է, որ մենք համարձակ, որպես տնային առաջադրանք հանձնարարենք հետևյալը. օգտվելով տեղեկատվության տարբեր աղբյուրներից՝ հավաքեք լրացուցիչ տեղեկություններ նյարդային համակարգի հիգիենայի վերաբերյալ:

**Չեղիմե ՍԱՅԱԿՅԱՆ**  
**Բերձորի Վ. Զարիկյանի անվան հ. 2 միջն. դպրոց**

**Շնորհավորանք**  
**ԽՈՍԲ Ի**  
**ԽՈՐՈՑ ՄՐՏԻ**



Ուսուցչի վեհ ու աստվածահաճո գործին նվիրված յուրաքանչյուր ոք արժանի է ամենօրյա ուշադրության, գնահատման ու մեծարման: Առավել ևս, այն մանկավարժները, ովքեր ողջ տարածքում անմնացորդ նվիրված լինելով իրենց գործին, մոմի նման սպառում են իրենց՝ լույս ու ջերմություն տալով սաներին: Նրանցից մեկն է Քաշաթաղի շրջանի կրթության բաժնի տարրական դասարանների գծով տեսուչ Սիրվարդ Թամազյանը: Նա սեր ու հարգանք է վայելում շրջապատում, որ վստահել է իր բարեխիղճ աշխատանքով, ընկերասիրությամբ, բոլորի կողքին լինելու, օգնելու բարի կամքի դրսևորմամբ: 32 տարի առաջ տիկին Թամազյանը մտել է դպրոց և ամուր կապվել նրա հետ: Տարիների հետ այդ կապն ամրացել ու խորացել է: Տարիները նրան պարզել են փորձ և հմտություն: Լուսավոր ու պայծառ է տեսուչ-ուսուցչի աշխարհը: Մանկավարժներին հանդեպ տածած սիրով ու նվիրվածով է նա ձեռք բերել այդ սերն ու վստահությունը: Միշտ աշխատանքային եռուզեռի, ստեղծագործական որոնումների մեջ է նա: Բարու և գեղեցիկի հուճեքը, որոնք նա սերմանում է անմնացորդ, տվել են իրենց բարի պտուղները: Բնավորությամբ լինելով համեստ՝ նա իրեն վստահված գործը կատարում է ամենայն բարեխիղճությամբ և նույնպիսի պատասխանատվություն է ակնկալում նաև մեզանից՝ դասավարներից: Մանկավարժական բեղուն աշխատանքի նրա անցած ուղին երկար է, որը, սակայն, հարթ ու դյուրին չի եղել: Նրա հոգու կրողը, անսպառ էներգիան ու նվիրվածությունը, մանկավարժական էնտուզիազմն օգնել են հաղթահարելու բոլոր խոչընդոտները: Թերևս դա են վկայում Բերձորում ապրած ու աշխատած լավագույն 13 տարիները, որոնք մեծացրել են նրա անունն ու վստահել: Նա ունի մեր՝ դասավարների հուզող բոլոր հարցերի պատասխանը: Նա է այն միջնապատը, որից մենք հաղորդակից ենք դառնում ժամանակակից մանկավարժության բոլոր նորություններին՝ մեթոդամանկավարժական ու դաստիարակչական: Տիկին Թամազյան, Դուք անմնացորդ նվիրվածությամբ աշակերտում եք մեզ՝ մեր հաջողությունը համարելով Ձերը: Ձերն են նաև մեր ձախողումները, որոնք մենք նորից սկսում ենք միասին հաղթահարել: Ձեր կյանքի ճանապարհին Դուք և՛ աշակերտներին, և՛ Ձեզ հետ աշխատող դասավարներին տվել եք սեր ու ջերմություն: Բազմաթիվ սերունդներ եք ճանապարհել մեծ կյանք՝ տալով նրանց Ձեր հոգու ջերմությունն ու մտքի թռիչքը, սիրառատ սիրտն ու նվիրումը: Տարիների մանկավարժական հարուստ փորձով ծանրաբեռ, իր խոհերի հետ քայլող մանկավարժն այսօր 50 տարեկան է, իսկ նրա ծննդյան օրվա ամենաթանկ նվերն իր կրտսեր 19-ամյա որդու՝ Վահե Պետրոսյանի պետական պարզն է՝ ԼՂՀ նախագահի շնորհած «Արիության մեդալը»: Ասել է թե՛ մայրական և մանկավարժական պատգամը գտել է իր հանգրվանը, և հայրենասեր մայրն ու մանկավարժը երջանիկ է բառի ամենաընդգրկուն իմաստով: Ձերմագին շնորհավորում ենք Ձեզ՝ ծննդյան 50-ամյակի կապակցությամբ, ցանկանում անսպառ եռանդ ու ստեղծագործական մեծ վերելքներ: Եղեք միշտ մեր կողքին՝ Ձեր մասնագիտական ու անձնային բարձր որակներով: Թող հավերժի լույսի արարման Ձեր ճանապարհը:

**Քաշաթաղի շրջանի մի խումբ դասավարների անունից**

Աղյուսակ 1. Վնասակար գործոնների ազդեցությունը նյարդային համակարգի վրա

Վնասակար գործոն	Ազդեցություն նյարդային համակարգի վրա	Վանխարզվում
Հոգնածություն (ֆիզիկական և մտավոր)		
Անորոշ օրգանական նյութերի պակաս		
Գրիպ		
Պոլիոմիելիտ		

Աղյուսակ 2.

Օտար մտադրների ազդեցությունը	Վնասվածքների հետևանքը
Թմրանյութեր	
Ռոպեր	
Բացասական հույզեր	
Ալկոհոլ	
Օլիգոդերի բաժինները	
Մեծ կիսազնդեղի կեղև Մոնոպոլիայի բույր Բուրբալի բույր Կեղև կենտրոնական մաս	
Ռուլեյիկ	
Երկարաժամանակ արել	

ՄԵԹՈԴՈՒՆՋ

ԱՐԴՅՈՒՆԱԿԵՏ ԱՃԽԱՏԱՆՔԻ ԳՈՒՄԱՐԵԼԻՆԵՐԸ

Կրթական բարեփոխումների անհրաժեշտությունը բխում է համաշխարհային և ազգային տնտեսությունների զարգացման անհրաժեշտ պայմաններից, բարձր տեխնոլոգիաների ներդրումից: Կրթությունը դարձել է մի գործոն, որը պետք է նպաստի մարդու մեջ այնպիսի արժեքների դաստիարակմանը, որ նա կարողանա դառնալ որակյալ մասնագետ և արագ հարմարվի աշխատանքային շուկայի անընդհատ փոփոխվող պահանջներին: Այդ է պատճառը, որ յուրաքանչյուր ուսումնական առարկայի նպատակը ոչ միայն գիտելիքների, կարողությունների, հմտությունների զարգացումն է, այլ նաև աշակերտի մոտ արժեքային համակարգի ձևավորումը:

Այսօր ուսուցչի մասնագիտությունն առանձնապես բարդ է: Դժվար է ուսուցիչ լինել առանց ավանդական հեղինակության ու հարգանքի, որոնք նրա մասնագիտության ուղեկիցներն են եղել անցյալում: Ուսուցիչ լինելն առանձնակի լարում է պահանջում երեխաների ազատական դաստիարակության ժամանակներում, երբ աշակերտները հակված են մերժել ամեն տեսակ հեղինակություն: Համարակրթական հաստատություններում ուսումնառատակալական աշխատանքների արդյունավետ կազմակերպմանը, մանկավարժական առաջավոր փորձի ուսումնասիրմանը և այդ փորձի ներդրմանն ու աշխատանքների խթանմանը նպաստելուն են միտված առարկայական և փնջային մեթոդախորհուրդները:

Մանկավարժական առաջավոր փորձը նախահիմքն է մասսայական փորձի, որը ժամանակի ընթացքում վերածվում է հիմնարար մեթոդի: Մանկավարժական մեթոդները, նորությունները դժվար են կյանք մտնում, չի բացառվում նաև, որ որոշ կանխանշված մեթոդներ, չնայած մեծագույն ձգտումներին, կարող են չտալ ցանկալի արդյունք: Բայց առաջավոր մանկավարժական փորձը կարող է պարունակել այնպիսի զեպկի ինքնատիպ բաղադրամասեր, որոնք կմտնեն մանկավարժության պատմության արժեքավոր ֆունդը և կփոխանցվեն սերնդեսերունդ:

Մեթոդիկների աշխատանքը մանկավարժական առաջավոր փորձի ուսումնասիրմանը չի սահմանափակվում: Այն նպատակաուղղված է նաև սկսնակ ու երիտասարդ ուսուցիչների մեթոդական նախապատրաստվածության բարձրացմանը, ինքնակրթության ապահովմանը, թեմատիկ ուսումնասիրությունների կազմակերպմանը, մեթոդամանկավարժական նորագույն նվաճումներին ծանոթանալուն, ուսումնական ծրագրերի, դասագրքերի, մեթոդական ձեռնարկների քննարկմանը, համարկրթական միջոցառումների, դպրոցական բազմաբնույթ հարցերի շուրջ լսումների, զեկուցումների կազմակերպմանը:

Վերոնշյալ աշխատանքների ապահովման ուղղությամբ արդյունավետ գործունեություն են կազմակերպել Ասկերանի շրջա-

նի հանրակրթական հաստատություններում ձևավորված մեթոդիկները: Շրջանի 38 հանրակրթական հաստատությունները խմբավորված են ութ մեթոդիկներում՝ հաշվի առնելով գյուղերի աշխարհագրական դիրքը, հեռավորությունը հեռակետային դպրոցներից: Մեթոդիկների նախագահները (դպրոցների տնօրեններ) ուսումնական տարվա սկզբին կազմում են աշխատանքային պլան, աշխատակարգ և հետևողականորեն իրականացնում նախատեսված բոլոր միջոցառումները:

Ընթացիկ ուսումնական տարում մեթոդիկներում լսվել և քննարկվել է 57 դասաժամ: Ասկերանի, Սարուշենի և Խնձրիստանի մեթոդիկներում հրավիրվել է 4-ական, իսկ Պատարայի, Շոշի, Նորագյուղի, Այգեստանի, Ավետարանոցի մեթոդիկներում՝ 2-ական նիստ:

Ուսումնական բոլոր առարկաներից կատարվել են դասալուծումներ և մտքերի փոխանակում, մանկավարժական թեմաներով քննարկվել են զեկուցումներ: Ներկայացվեց քննարկված որոշ թեմաներ.

- Համակարգչային խաղերը ինտեգրված ուսուցման գործընթացում (Շոշի մեթոդիկնուց)
- Անձի բարոյահոգեբանական դաստիարակության խնդիրները (Սարուշեն)
- Ուսուցչի մանկավարժական տակտը (Խնձրիստան)
- Բանակ-հասարակություն դպրոց կապի ամրապնդման արդյունավետ ուղիները (Այգեստան)
- Ժամանակակից ուսուցման մեթոդները (Նորագյուղ)

«Ուսուցման նոր մեթոդների կիրառումը տարրական դասարաններում» (Ավետարանոց)

- Կրտսեր դպրոցականի ուսումնական գործունեության կառուցվածքը և ուսուցչի դերը դպրոցականի կյանքում (Պատարայ)

Ընդհանուր առմամբ լսվել և քննարկվել են 23 մանկավարժական և մեթոդական բնույթի թեմաներ: Մանկավարժների ուշադրությունը կենտրոնանում է դասավանդման մեթոդների ընտրությանը, դասերի վերլուծության ժամանակ նախապատվությունը տալիս են աշակերտների պատասխանների խորը և հիմնավոր լինելուն, գիտելիքների որակին, կարողություններին, հմտություններին, ուսուցչի շարժումներին (գիտականություն, գաղափարականություն, արդիականություն), դասի դաստիարակչական նպատակաուղղվածությանը:

Փնջի աշխատանքներին մասնակից մանկավարժներին մեծապես հետաքրքրում են դասի մեթոդական կողմերը՝ հարցման եղանակների բազմազանություն, դիտողական պարզազաների տեխնիկական միջոցների օգտագործում, դասավանդման պրոբլեմայնություն, սովորողների ինքնուրույնության և նտածողության զարգացում, աշակերտների մոտ հետաքրքրություն առաջացնելու և զբաղեցնելու, բանավեճի հրավիրելու ուսուցչի կարողություն, դասավանդվող նյութի ամրապնդման արդյունավետու-

թյուն և նմանատիպ այլ հարցեր: Քննարկումներն անցնում են գործնական մթնոլորտում, մտցվում են առաջարկություններ, առաջիկա հանդիպումների համար նախանշվում են ուղղություններ: Այսպես, Սարուշենի մեթոդիկնուցի նախագահ Ս. Գասպարյանը, կարևորելով դասուղեկի աշխատանքի նրբությունները, առաջարկել է ամենամյա մրցույթների ցանկում նախատեսել նաև «Տարվա լավագույն դասուղեկ» մրցույթը:

Մեթոդիկների աշխատանքի կարևոր, բաղկացուցիչ մաս են աշակերտների ուժերով ցուցադրվող միջոցառումները:

Աշակերտները հանդես են գալիս դասարաններով, խմբակի անդամներով, ներկաներին ցուցադրում իրենց կարողությունները: Այսպես, «Ոսկի աշուն» կազմակերպվել է Շոշի, Նախիջևանի կի, Խնձրիստանի միջնակարգ դպրոցներում, «Գովք մեծ աշուղին»՝ Նորագյուղի միջնակարգ դպրոցում՝ Սալաթ-Նովայի ծննդյան 300-ամյակին նվիրված, «Իմ հայրենի գյուղ հնածախ»՝ Խնածախի միջնակարգ դպրոցի աշակերտների ուժերով, «Լեսնոյ-հերոսապատում»՝ Պատարայի միջնակարգ դպրոցի աշակերտների ուժերով, գրական-զեղարվեստական կոմպոզիցիա և կինոցուցադրում, «Հմուտ ձեռքեր» խմբակի աշխատանքների ցուցահանդես և հայրենասիրական երգերի մրցույթ՝ Ասկերանի միջնակարգ դպրոցում, «Փոքրիկ բեմի վրա»՝ Սարուշենի միջնակարգ դպրոցի աշակերտների ուժերով, «Գովք մայրենի» պոեմից հատված՝ Ավետարանոցի միջնակարգ դպրոցում:

Մեթոդիկների նախագահները, պլանավորելով լսվելիք դասերը, հիմնականում հենվում են փորձառու ուսուցիչների մոտ դասալուծումներ ու փորձի փոխանակում անցկացնելու սկզբունքին: Անհրաժեշտ է նշել, որ առանձին երիտասարդ մասնագետներ ցանկություն են հայտնում իրենց մոտ անցկացնելու դասալուծումներ: Քննարկված 57 դասերից 4-ը անց են կացրել մինչև 8 տարվա մանկավարժական ստաժ ունեցող ուսուցչուհիներ է. Վերդյանը (Շոշ, ռուսաց լեզու), Ա. Ավանեսյանը (Ասկերան, քիմիա), Գ. Սարգսյանը (Ասկերան, -ինֆորմատիկա), Ն. Քանայանը (Խնածախ, մաթեմատիկա) և արժանացել առարկայական մասնագետների դրական գնահատականին: Կյանքի դաս է Նորագյուղի միջնակարգ դպրոցի տնօրեն է. Վարդանյանի վարած դասը հասարակագիտությունից, երբ աշակերտները յուրացնում են այնպիսի արժեքներ, ինչպիսիք են բարին, պարտքը, իրավունքը, պատասխանատվությունը, անհրաժեշտությունը:

Հայրենասիրության դասեր է վարում Ավետարանոցի միջնակարգ դպրոցի հայոց լեզվի և գրականության ուսուցչուհի Նվարդ Բաղդյանը: Ուսուցչուհին իր մասնագիտական պատրաստվածությանը, հնայիչ ու ոգեշնչված խոսքով, մանկավարժական տակտով, ուսուցանելու վարպետությամբ արժանանում է գործընկերների դրական և համակրանքին: Ըն-

թացիկ ուսումնական տարում Ն. Բաղդյանի մոտ կազմակերպվել է առաջավոր փորձի չորս դաս: Նա հաղթող է ճանաչվել նաև «Տարվա լավագույն ուսուցիչ և մանկավարժական փորձ» մրցույթի շրջանային փուլում: Մեր գործընկերուհուն մաղթենք հաջողություն հանրապետական փուլում:

Մասնագետների դրական գնահատականին են արժանացել Նախիջևանի կի և Ասկերանի միջնակարգ դպրոցների ֆիզիկայի ուսուցիչներ Զ. Միրզոյանը և Է. Գաբրիելյանը: Ինքնատիպ դասեր է վարում Պատարայի միջնակարգ դպրոցի կերպարվեստի ուսուցչուհի Ս. Գրիգորյանը: Ուսանելի շատ պահեր ընկալեցին դասալսման մասնակիցները:

Պետք է նշել, որ քննարկումներ կատարելիս առարկայական մասնագետներն իրենց դիտողությունները, առաջարկությունները, կարծիքներն են հայտնում դասերի վերաբերյալ, նշում և ընդօրինակելի, և մասնագիտական թերացումներ, և կատարելագործելու անհրաժեշտություն պահերը: Քննարկումների, դասալուծումների, հանդիպումների արդյունքում մեթոդական օգնության երաշխավորված և արդյունավետ ձևաչափ է համարվում մեթոդիկների գործունեությունը:

Մեթոդիկների ղեկավարները, չչրջանցելով բազմավաստակ ուսուցիչների ներդրումը և փորձը, միտունոր օրինաչափ հրավիրում են թոշակառու ուսուցիչներին, լսում նրանց կարծիքը, առաջնորդվում նրանց խորհուրդներով: Այսպես՝ Ա. Ավանեսյանը (Ռահրավ), Զ. Գաբրիելյանը, Ն. Հարությունյանը (Պատարայ), Զ. Գրիգորյանը, Է. Արդյանը (Նորագյուղ) ցանկալի մասնակիցներ են մեթոդիկների աշխատանքներին: Ընթացիկ ուսումնական տարում վերոհիշյալ աշխատանքներին իրենց մասնակցությունն են ունեցել ԼՂՀ ԿԳ նախարարության ԿԳ վարչության պետ Ռ. Մուսայելյանը, հանրակրթական բաժնի վարիչ Ռ. Բաղդյանը, մասնագետ Ա. Մարտիրոսյանը: Նրանց մասնակցությունը առանձին լիք է հարդրում դասերի վերլուծությանը, քննարկումներին: Ցուցաբերվող մասնագիտական, մեթոդական խորհուրդներն ավելի են պարտավորեցնում ուսուցիչներին:

Մեթոդիկների գործունեությունը նպաստում է նաև դպրոցների, մասնագետների միջև փոխադարձ հարգանքի, վստահության ամրապնդմանը, բարոյական շատ արժեքների պահպանմանը, դրանք սերունդներին փոխանցելուն: Հյուրընկալող դպրոցը, հաշվի առնելով վերոնշյալը, ձգտում է սեղանի շուրջ ավելի ամրապնդել այդ արժեքները: Ժամանակին մաս միտել է արտահայտել մեծ մանկավարժ, մարզմոլկրթաբաժնի Ս. Արամյանը. «Ես չեմ հրաժարվում այն հացի սեղանից, որտեղ մտահոգություն կա վաղվա օրվա՝ դպրոցի համար»:

**Սվետլանա ԱՄՐՅԱՆ**  
**Կրթության Ասկերանի**  
**շրջանային բաժնի**  
**գլխավոր մասնագետ**

Շնորհավորանք  
ԿՐԹՈՒԹՅԱՆ  
ԱՆԽՈՆՋ ՄՇԱԿԸ

Ինչը վայելու է, արժանի է հարգանքի և ինչը արժանի է հարգանքի. միշտ էլ վայելու է...

Յիցերոն



Ուսուցիչ՝ բարու, զեղեցիկի, վսեմի ու կատարելության սերմնացան, կրթության անխոնջ մշակ... Յուրաքանչյուր ոք կարող է խոսել արդարության և ճշմարտության մասին, բայց հարգի է այն մարդը, ով այդ ամենով հանդերձ նաև ճշտակատար է: Լինել մանկավարժ, ուսուցանել ճշգրիտ թվեր, զբաղվել դաստիարակության վեհ գործով, արժանապատվության դասեր տալ, անմնացորդ նվիրել հայրենիքի ու ճշտակատար գործունեություն ծավալել 30 երկար ու ձիգ տարիներ՝ ներառած Արցախյան գոյամարտի հրաշունջ օրերը, կրթել հերոսներ և ռազմի դաշտ ուղարկել, իսկ ժամանակավոր խաղաղ դադարին համալրել Պաշտպանության բանակի շարքերը: Այս է Ստեփանակերտի Ա.Ս. Գրիբոյեդովի անվան հ. 3 միջնակարգ դպրոցի տնօրեն Լյուդմիլա Հովհաննիսյանի կենսակերպը:

Ծնվել է 1958թ. հունիսի 8-ին: Ուսումնառություն ստացել է հ. 3 միջնակարգ դպրոցում, այնուհետև՝ Ստեփանակերտի մանկավարժական ինստիտուտի ֆիզմաթ ֆակուլտետում, որն ավարտել է գերազանցությամբ 1979թ.:

Լ. Հովհաննիսյանը իր հոգու նրբին թելերով կապված է հարազատ կրթօջախին: Տարիների հոլովույթում նա պատվով է հաղթահարել տարբեր փորձություններ: Լինելով կրթության անխոնջ մշակ, իր լուսաշող նպատակները համարում է՝ խաղաղ երկինք մանուկներին, դպրոցների արգասաբեր աշխատանքը, աշակերտների հաջողությունները, ծնողների հպարտությունը:

Լ. Հովհաննիսյանը պատասխանատու պաշտոնում պահանջկոտ է նախ իր և հետո՝ բոլորի նկատմամբ:

Քննուշ դեմքով, համեստ, զուսպ և ցածր ծայնով նրա փաղաքուշ խոսքին կարող է հետևել աշխատանքային կարգապահության համար խիստ ու պահանջարկ ստանում: Նրա համար կարգախոս է դարձել Պյոթագորասի խոսքը՝ «Ինչ էլ որ մտածեն քո մասին, կատարի այն, ինչը դու համարում ես արդարացի: Հավասարապես անտարբեր եղիր թե՛ պարսպանքի և թե՛ զովասանքի նկատմամբ»:

Լ. Հովհաննիսյանը ջանք ու եռանդ չի խնայում հարազատ դպրատունը փայլուն ու անթերի տեսնելու և վայելու է պահելու համար: Նա անկաշառ սիրում է երեխաներին, իր մարդասիրությամբ վարակում իրեն շրջապատող մարդկանց:

Դպրոցը և դպրոցավարությունը Լ. Հովհաննիսյանի կյանքի իմաստն են: Նրա ուրախությունը, անձնականից զատ, սովորողների հաղթանակներն են: Նա կարողանում է կիսել աշակերտների և գործընկերների ուրախությունը, իսկ տխրության պահին՝ օգնության ձեռք մեկնում:

Ծնվել է միայն բարություն շնորհելու համար: Սիրում է ծաղիկներ, փաղաքուշ նրանց քնքշություն սիրող թևերը և մանկան ուրախությամբ իրձվել յուրաքանչյուր տերևի ծլարձակմամբ:

Լ. Հովհաննիսյանը վայելում է մանկավարժական, ծնողական և աշակերտական կուլեկտիվների սերն ու հարգանքը, որոնք էլ գործվանքով շնորհավորում են հոբելյարի ծնունդը, մաղթում արևաշող ներկա, առողջություն, երջանկություն: Թող յուրաքանչյուր այգ նրա համար լուսառատ ու լուսաշող լինի:

Լ. Հովհաննիսյանը Արցախյան գոյամարտին անմնացորդ նվիրված ամուսնու սիրելի կին է, երկու անձնան աղջիկների գործվագույթ մայր և 4 թոռնիկների սիրասուն տատիկ:

Սիրելի՛ Լյուդմիլա Անդրեևնա, թող Ձեր բարի սիրտը միշտ խինդ ու ծիծաղով լցվի, բեղմնավոր աշխատանքը միշտ արժանի արդյունք տա՝ ի շահ Արցախ աշխարհի և կրթական համակարգի:

**Ա.Ս. Գրիբոյեդովի անվան հ. 3 միջնակարգ դպրոցի մանկավարժական կուլեկտիվ**





ԱՐՎԵՍ

ՆԿԻՐՎԱԾ ԱՆՄԱՅ ԽԱՉԱՏՐՅԱՆԻՆ

«Վախեցիր ճակատագրից, եթե այն առատորեն փաղաքշանք է պարզուսում»... այսպիսի խոսքերով է առաջնորդվել ԽՍՀՄ ժողովրդական արտիստ, Պետական և Լենինյան մրցանակների դափնեկիր, Սոցիալիստական աշխատանքի հերոս, հասարակական գործիչ, արվեստագիտության դոկտոր, 20-րդ դարի խոշորագույն կոմպոզիտոր Արամ Խաչատրյանը: Ժամերի բազմազանությունը, ռիթմի և ռճի արտասովորությունը՝ ներդաշնակված ինտոնացիոն առանձնահատկություններով, նրա անհատականության վկայությունն են: Կոմպոզիտորն իր ստեղծագործության ժողովրդական ակունքներով տարված էր մանուկ հասակից, սակայն երաժշտությանը լրջորեն զբաղվելու հնարավորություն ունեցել է բավականին ուշ՝ 19 տարեկանում:

Հունիսի 6-ին լրացավ հանրահայտ կոմպոզիտորի ծննդյան 110-ամյակը: Հունիսի 5-ին Մարտունու Արամ Խաչատրյանի անվան երաժշտական դպրոցում կազմակերպվեց հոբելյանական ցերեկույթ, որը վարեց դպրոցի դաշնամուրի դասատու Լուսինե Խաչատրյանը: Ներկա

էին Մարտունու շրջանի արհմիությունների նախագահ Է. Սերգեյանը, քաղաքապետ Մ. Խաչատրյանը:

Ներկայացվեցին մեծ կոմպոզիտորի կենսագրությունն ու ստեղծագործական կյանքի տարբեր ժամանակաշրջանները, որոնք դպրոցի սաների դաշնամուրային փայլուն կատարումներով հրամցվեցին հանդիսատեսին:

« Հ ե ն ց ս կ զ ք Ի ց Ա. Խաչատրյանի ստեղծագործություններում նկատելի էին ինքնուրույն երաժշտական մտածողության սաղմերը, և զգացվում էր երիտասարդ ու ժամանակակից կյանքի զարկերակը»,- նման խոսքերով է բնութագրել Գնեսիլը երիտասարդ երաժիշտի ստեղծագործական ուսման ընդամենը երկրորդ տարվա ընթացքում գրած «Պար ջութակի և դաշնամուրի համար» գործը և

դաշնամուրային պիեսները:

Անվանի կոմպոզիտոր, հիանալի մանկավարժ Մյասկովսկու ղեկավարությամբ Ա. Խաչատրյանը գրում է իր «Ջութակի և դաշնամուրի սոնատը», «Դաշնամուրի, ջութակի և

երգչախմբի և սիմֆոնիկ նվագախմբի համար, կամերային և վոկալ ստեղծագործությունները, դրամատիկական ներկայացումների և 17 կինոֆիլմերի համար գրված երաժշտությունն առայսօր գրավում են մեծ լսարաններ գրեթե բոլոր մայրցամաքներում: Հայտնի ջութակահար Դավիթ Օյստրախին նվիրված «Ջութակի կոնցերտ»-ի համար Ա. Խաչատրյանը ստացավ առաջին պետական մրցանակը, իսկ Հայրենական մեծ պատերազմի տարիներին ծնված՝ Լեոնտովի «Դիմակահանդես» դրամայի երաժշտությունն առայսօր հնչում է աշխարհի տարբեր բեմերից:

Որպես կոմպոզիտոր և դիրիժոր՝ Ա. Խաչատրյանը հեղինակային համերգներով հանդես է եկել ավելի քան 50 երկրներում: Ամենուր նրա արվեստն ընդունվեց բացառիկ ջերմությամբ: Հայ երաժիշտի ստեղծագործությունները փառաբանվեցին աշխարհի բազմաթիվ երկրներում: Ստեղծագործական, մանկավարժական, կատարողական գործունեությանը զուգընթաց՝ Ա. Խաչատրյանն առանձնահատուկ եռանդով նվիրվում է նաև երաժշտահա-

սարակական գործունեությանը: Նա ՀԽՍՀ գիտությունների ակադեմիայի անդամ էր, Իտալիայի «Սանտա Չեչիլիա» երաժշտական ակադեմիայի պատվավոր անդամ, Մեքսիկայի կոնսերվատորիայի պատվավոր պրոֆեսոր, Գերմանիայի Դեմոկրատական Հանրապետության գիտությունների ակադեմիայի թղթակից անդամ:

1978թ. մայիսի 1-ին 75-ամյա հոբելյանի շեմին իր մահկանացուն է կնքում աշխարհահռչակ արվեստագետ, Մեծ Մարդ և տաղանդավոր երաժիշտ Արամ Խաչատրյանը:

Նա մեր փոքրության առասպելի մեծ հերոսն էր, մեծերի հետ չափվելու խորհուրդը եղավ փոքրաթիվ մեր ժողովրդի՝ դառնալով քաղաքակրթության մեր վկայականը:

Հայ ժողովրդի մեծագույն զավակ Արամ Խաչատրյանի հիշատակը մշտապես վառ կմնա արվեստասեր հասարակության շրջանում, իսկ նրա ստեղծագործությունները դարեր շարունակ կհնչեն աշխարհի տարբեր բեմերում:

Արմինե ՂԱՆԵԼՅԱՆ

ՍՈՎՈՐԵՑՆՈՒՄ ԵՆ ՀՄՏԱՆԱԼ ԱՐՎԵՍԻ ՄԵՋ

Ազնիվ աշխատանքն ու կամքը համար շրջաքննել են ծնունդ, իրավ, մեզ համար:

Ա. Նեկրասով

Դպրոցն այն կրթությանն է, որտեղ ոչ միայն գիտելիք է ստանում, այլև ձևավորվում է ապագա քաղաքացին: Այն սաների մեջ պատվաստում է ճաշակ, շնորհք, գեղեցիկն ընկալելու կարողությունն ու նաև այդ գեղեցիկը ստեղծելու հմտություն:

Այդ հարցում բարձր է դպրոցի տեխնոլոգիայի ուսուցիչներ Սաթենիկ Ծատրյանի և Գայանե Քոչարյանի դերը: Նրանք, իրենց համար նշանաբան դարձնելով մեծ վարպետի խոսքերը՝ «Արհեստ սովորիր, մի՛ լինիր նագուկ, արհեստն է մարդուն ոսկե բիլագուկ», աշակերտներին են փոխանցում իրենց կարողություններն ու հմտությունները: Դրա վառ ապացույցը դպրոցում բացված ցուցահանդեսն է, որտեղ ցուցադրվել են սաների հմուտ ձեռքերով ստեղծված հիասքանչ գործերը, որ ավանդված են մեր նախնիներից և անցնելով այսօրվա սանին, կանչում են. «Տեսե՛ք, մեզ կերտել են դպրոցի սաներն իրենց հմուտ ձեռքերով»:

Պատից նայում են աշակերտների պատրաստած աղացանների, տորթերի, սպասքաղրած սեղանների նկարները, սեղաններին շարված են աղջիկների ասեղնագործության և շյուղագործության լավագույն նմուշներ՝ «Անձեռոցիկ», «Ձմռան տեսարան», «Խաչքար», հուլունքագործության լավագույն գործեր՝ բիլագուկ, վզնոցներ, ականջօղեր:

Իսկ գունավոր ամսագրերի թղթերը հմտորեն վեր են ածվել երփներանգ ծաղիկների:

Դպրոցի աշակերտները, շնորհիվ Սաթենիկ Ծատրյանի, յուրաքանչեղ են ասեղնագործության նոր տեսակ՝ ասեղնագործություն ստվարաթղթի վրա (ИЗОНИТЬ) և ներկայացրել իրենց լավագույն աշխատանքները՝ «Արևածաղիկ», «Հագարան բլբուլ», «Կատու», «Ծուխ», «Տոնածառ»:



Ցուցահանդեսի դիտորդները զարմանքի ու հիացմունքի զգացումով են դիտում տեխնոլոգիայի մյուս ուսուցչուհու՝ Գայանե Քոչարյանի սովորեցրած գործերը: Նա տղաներին սովորեցրել է կերտել շատ հետաքրքիր գործեր: Նայելով դրանց, թվում է՝ դպրոց են եկել և բազմել սեղաններին անտառի բնակիչ-

ները՝ «Հրեղեն ձի», «Օձ», «Փիղ», «Արջն անտառում», «Առյուծ», «Բու», «Կապիկ», «Կարիճ», դաշտից եկել են «Թիթեռը», «Բզեզը», «Ձատիկը»: Իսկ ճերմակաթույր «Կարապը» հպարտ նայում է ու հուշում. «Տեսե՛ք, մեզ ստեղծել են հ. 8 ավագ դպրոցի սաները»:

Դինոզավրի կմախքները հայտնում են, որ աշխարհում եղել են նաև մանկ կենդանիներ: Ջրի բնակիչներ էլ կային՝ «Ձուկ», «Դելֆին»:

Իսկ Հիսուսի դիմանկարն ու բազում քանդակած խաչերը հայտնում են, որ այդ ամենը ստեղծել են քրիստոնյա աշակերտները:

Ներկայացված են «Ուղղաթիռ», «Ռեպակոծիչ» անուններով աշխատանքներ: Անչափ հետաքրքիր է «Թնորատունը». այն մտովի

տեղափոխում է դիտորդին հայկական հին գյուղը, կարծես զգացնել է տալիս թոնրի թեծությունն ու նոր թխած հացի բույրը:

Շնորհիվ իրենց վարպետ ուսուցիչների, սաները զգում են արհեստի կարևորությունը, նրանք լավ գիտեն, որ գործը վարպետից է վախենում, որ համար կամքն ու աշխատասիրությունը միայն կարող են ծնել այն հրաշքերը, որ ստեղծել են:

Իսկ ուսուցիչները լավ են յուրացրել հին դարի մեծ մտածող Սենեկայի խոսքը. «Սովորեցնելով ուրիշներին՝ սովորում ենք մենք ինքներս» և շարունակում ենք սովորեցնել, հմտացնել մեր սաներին արհեստի մեջ:

Իրինա ՕՍԻՊՈՎԱ Ստեփ. Ա. Սախարովի անվան հ. 8 ավագ դպրոց

ԱՅՌ ՎԵՐ, ՊԱՐՏԱՎՈՐԵՑՆՈՂ ԿՈՉՈՒՄԸ՝ ՈՒՍՈՒՑԻՉ

Սիրիր աշխատանքը, և դու երբեք ստիպված չես լինի աշխատել:

Կոմիտաս

Այս խոսքերը պետք են և տեղին, երբ պետք է բնորոշել Անահիտ Հարությունյանին: Նա զուգակցում է մարդկային բարձր արժանիքները մանկավարժական վարպետության հետ, զգում յուրաքանչյուր աշակերտի հոգին, դառնում նրա հոգու նրբին լարերի թարգմանը: Նրա համար յուրաքանչյուր աշակերտ մի անհատ է, մի աշխարհ, որտեղ պետք է սերմանել բարին ու գեղեցիկը՝ ճնշելով վատի, տգեղի, չարի ու անտարբերության որոնք:

Եվ հենց ինքն իր օրինակելի պահվածքով ու կեցվածքով ջերմություն ու լույս է տարածում կրեկտիվում: Տասնամյակների փորձը սիրով փոխանցում է երիտասարդ գործընկերներին: Սիրում է լինել ինքնատիպ, սիրած գործին մոտենում է ստեղծագործաբար՝ անընդհատ նորոգելով իր աշխատանքային զինանոցը:

Անակնկալ էր այս տարի այն, որ նա համալրեց իր աշխատանքը ևս մեկ օրինակելի նախաձեռնությամբ. 7-րդ դասարանը, որի դասղեկն է նա, սկսեց լույս ընծայել դասարանական ամսաթերթ՝ «Շավիղ» անվանումով: Նրա խոսքով, թերթ հրատարակելու հիմնա-

կան նպատակը երեխաների մեջ սեփական կարծիք արտահայտելու կարողություն զարգացնելն է, ինքնուրույնություն, ուշադրություն դաստիարակելը, ինչպես նաև ինքնարտահայտվելու հնարավորություն տալը:

Երեխաները թերթում նաև «պատմություններ» ունեն, նրանցից երկուսը սրբագրիչ են և անպայման կարդում, ստուգում են մյուս աշակերտների նյութերը: Վերջիններս էլ թերթի լրագրողներն են: Նրանցից յուրաքանչյուրն ունի իր խրագիրը՝ «Շնորհավորանք», «Խոհանոց», «Հանելուկներ», «Սպորտ» և այլն: Իսկ խմբագիրը Ա. Հարությունյանն է: Թերթը հնարավորություն է տալիս այլ դասարանների երեխաներին նույնպես տպագրել իրենց նյութերը: Տարբեր դասարանների աշակերտներ թերթին են տրամադրում սեփական ստեղծագործությունները: Իրավ է ասում մեծ մանկավարժ Կոմենսկին. «Աշակերտը ոչ թե անոթ է, որ պետք է լցնել, այլ ջահ, որ պետք է վառել հետաքրքրասիրության կայծով»

Հուսանք, որ «Շավիղը» նոր շավիղներ կբացի...

Սվետլանա ՀԱԼԱԲՅԱՆ Քարվաճառի միջև. դպրոցի հ. լեզվի եւ գրակ. ուսուցչուհի



ՄՈՒՐԱՑԱՆՅԱՆ ՕՐԵՐ

ՄԵՋ ԴԵՏ ԲԱՅԼՈՂ ԴԱՍԱԿԱՆՆԸ

Հայոց Արևելից աշխարհի Արցախի լուսաբացները վաղուց արդեն խաղաղ ու ստեղծագործ կյանք են ավետում, և այստեղ արցախցին, իր պապերի ու ապուպապերի ավանդույթներին հավատարիմ, ամեն մի օրն ապրում է հայավարի. սահմանամերձ տարածքում հողագործը հաց է արարում հերոսաբար, գրչի մշակը տող է ստեղծում, զինվորը երկրի անդորրն է հսկում: Սա հայի ոգեղեն հզոր ուժի արգասիքն է, նրա հավիտենականության առաջին նախապայմանը:

Արցախում գրական-մշակութային կյանքի աշխուժացման գործընթացին մեծապես նպաստում են ԼՂՀ գրողների միության նախաձեռնությամբ ամեն տարի մայիսին անցկացվող Մուրացանյան օրերը: Այս տարի ինչ-որ չափով փոխվեց գրական տոնի ձևաչափը՝ ընդլայնելով մասնակիցների թիվը: Գրական կազմակերպության առաջարկությամբ և ԼՂՀ կրթության և գիտության նախարարության հանձնարարությամբ Արցախի հանրակրթական գրեթե բոլոր դպրոցներում տեղի ունեցան Մուրացանյան օրերին նվիրված հանդիսություններ՝ գրողների մասնակցությամբ:

Մայիսի 28-ին, արդեն 30-րդ անգամ, մեծ դասականի ծննդավայր Շուշիում, Մուրացանի անունը կրող դպրոցում կրկին հավաքվել էին գրողներ, գիտնականներ, մտավորականներ, դպրոցականներ, հասարակության ներկայացուցիչներ, մայր Հայաստանից ժամանեց գրողների ու գրականագետների մի խումբ՝ Արտեմ Հարությունյան, Արքմենիկ Նիկողոսյան, Հասմիկ Հակոբյան, Արմեն Ավանեսյան, Աշոտ Գաբրիելյան: Ծաղիկներ դրվեցին գրողի կիսանդրուն: Ապա ԼՂՀ ԳՄ նախագահ Վարդան Հակոբյանը, ողջունելով ներկաներին, նշեց, որ Մուրացանի ստեղծագործություններում առաջադրված խնդիրների մեջ կարևորագույն տեղ ունի առաքելության գաղափարը: Հենց այն հանգամանքը, որ Մուրացանն ամեն տարի Արցախում իր շուրջն է համախմբում հայոց աշխարհի լավագույն գիտնականներին, գրողներին, մտավորականներին, այդ առաքելության լավագույն արտահայտություններից մեկն է:

«Մուրացանը մեր պատմավիպասանության մեջ մնաց որպես անգերազանցելի վարպետ՝ առաջին հերթին իր արծարծած թեմաներով, ազգային միաբանության գաղափարով: Մենք, որ մեծացել ենք Մուրացանի ստեղծագործությունների ոգով, նրա հերոսներից տեսանք մեր շրջապատում, մեր ընկերների մեջ: Մուրացանի գեղագիտությունն այսօր էլ արդիական է ու իր դասն է բերում մեր ժողովրդի առաջընթացի գործուն: Ուրախությամբ ենք ամրագրում, որ այսօր նրա գաղափարներն արդեն իրականություն են դարձել, և մեր մեծագույն ձեռքբերումը մեր ժողովրդի անկախությունն է»,- նշեց Վ. Հակոբյանը:

Մուրացանյան օրերի առթիվ ՀՀ ԳՄ նախագահ Լևոն Անանյանի հղած ուղերձը ջերմությամբ ընդունեցին ներկաները: Այնտեղ մասնավորապես ասված է. «Արդեն երեք տասնամյակ անընդմեջ Արցախի գրողների միությունը պետության աջակցությամբ կազմակերպում է «Մուրացանյան օրեր» փառատոնը՝ ամեն անգամ նորովի և ուշագրավ լույսի ներքո ներկայացնելով ու մեկնաբանելով մեծանուն արձակագրի կյանքն ու գործը:

Այն, ինչ տվեց ծննդավայր Արցախն ու արցախցին՝ «բարոյական արժանավորության» իր բնորոշ որակներով (հայրենասիրություն,

անձնագոհություն, կամք, առաքինություն, պատասխանատվություն հայոց պատմության և ներկայի հանդեպ), Մուրացանը լիուլի վերադարձրեց իր ծնող ժողովրդին՝ դառնալով նրա գրական-մշակութային ժառանգության հզոր վեներից:

Դուք վերահաստատում եք ժողովրդական առածի ճշմարտացիությունը՝ «խաչը տերն է զորացնում», ուրեմն՝ հարգանք ու խոնարհում փառատոնի կազմակերպիչներին, ձեզ բողոքի:

Հավատացեք, ես մտովի ձեզ հետ եմ թե Շ ու շ ի ու մ՝ գրողի կիսանդրում ծաղիկներ



դիկներ ղնողների շարքում, թե «Գրիգոր Նարեկացի» համալսարանում գիտաժողովի նիստերին, որի «Արդի հայ պատմավիպասանության զարգացման միտումները» թեման հույժ այժմեական է, թե՛ աշակերտների հետ կուսապատյան ձեր հանդիպմանը»:

Բանասիրական գիտությունների թեկնածու Արմեն Ավանեսյանն իր ելույթում անդրադարձավ Մուրացանի ստեղծագործություններին՝ ասաց, որ հայրենասիրությունը նրա մոտ հստակ բանաձևի մեջ է ներկայանում: Նա հայրենիքի սկիզբը համարում էր ընտանիքը. «Մենք այսօր պետք է կարողանանք պահել հայ ընտանիքը՝ հայի տեսակը պահպանելու համար: Սա մուրացանյան կարևոր խորհուրդներից է: Մշակութային բոլոր միջոցառումները կարևոր են հատկապես նորանկախ երկրների համար: Այս առումով մեծ է ու մշակակալից Մուրացանյան օրերի կազմակերպումը սերունդների փոխկապակցման ասպիկտով համար»:

Տոնակատարություններին մասնակցեց նաև ԼՂՀ ԳՄ հրավերով Արցախում գտնվող գիտնական ու բանաստեղծ, հայ ժողովրդի ռուս բարեկամ Վլադիմիր Պոնոմարյովը: Հեռավոր Սիբիրից բերած ողջույնները հաղորդելով ներկաներին՝ նա միջոցառման մասնակիցների ուշադրությունը հրավիրեց այն փաստի վրա, որ ռուս ընթերցողն առանձնահատուկ վերաբերմունք ու սեր ունի հայ գրականության, մասնավորապես, դասականների ստեղծագործությունների նկատմամբ, որի մեծ մասն այսօր թարգմանված է ռուսերեն:

Այնուհետև Շուշիի Մուրացանի անվան դպրոցում տեղի ունեցավ գիտաժողով, որտեղ հնչեցին Մուրացանի գրական ժառանգությունը գնահատող զեկուցումներ: Բանախոսներն էին գրականագետներ Զինաիդա Բալայանը, Արմեն Ավանեսյանը, գրող, լրագրող Դավիթ Միքայելյանը և ուրիշներ: Գիտաժողովն ամփոփեց բանասիրական գիտությունների դոկտոր, պրոֆեսոր, բանաստեղծ Սոկրատ Խանյանը. «Մենք ոգեղեն ժողովուրդ ենք, մեզ հոգևոր հաց է պետք: Մեր ոգեղենության ապացույցներից մեկն էլ Մուրացանյան օրերի

կազմակերպումն է: Մուրացանը քայլող դասական է: Նա այսօր էլ նպաստում է մեր եռամիասնությանը: Փառք Մուրացան ծնող մեր ժողովրդին»:

Օրվա միջոցառումներն ամբողջացան Շուշիի Ղազանչեցոց եկեղեցում՝ մոմավառությամբ:

Մուրացանյան օրերի շրջանակներում մայիսի 29-ին Ստեփանակերտի «Գրիգոր Նարեկացի» համալսարանում կայացավ գիտաժողով՝ «Արդի հայ պատմավիպասանության զարգացման միտումները» թեմայով, որը վարեց բանասիրական գիտությունների թեկնածու Արքմենիկ Նիկողոսյանը: Ձեկուցումներով հանդես եկան բանասիրական գիտությունների թեկնածուներ Արմեն Ավանեսյանը («20-րդ դարավերջի պատմավիպասանությունը»),



Կիմ Գաբրիելյանը («Լևոն Խեչոյանի «Արշակարքա և Դրաստամատ Ներքինի» վեպը»), բանաստեղծ Աշոտ Գաբրիելյանը («Ձորայր Խալափյանի «Վասիլ Մեծ» պատմավեպը»), Գրիգոր Նարեկացի համալսարանի դասախոս Ամալյա Գրիգորյանը («Արդիականության և պատմականության խնդիրը Մարտիրոս Ռբնի «Դժոխքից եկածին հարցեր չեն տալիս» վեպում»), բանասիրական գիտությունների դոկտոր, պրոֆեսոր Սոկրատ Խանյանը («Արցախյան մեկ դարը Վարդան Հակոբյանի «Ձատիկը ջրավազանի հատակին» վեպում»), բանասիրական գիտությունների թեկնածու, դոցենտ Նարինե Հովհաննիսյանը («Հոգևոր երկփեղկվածության հիմնախնդիրները կամ դարձի ճանապարհը Մուշեղ Գալշոյանի վիպաշխարհում»), ժամանա Բեգլարյանը («Հայկ Խաչատրյանի պատմավիպասանության որոշ միտումներ»), գրականագետ Արքմենիկ Նիկողոսյանը («Հայ դասական և արդի պատմավիպասանության տիպաբանական առանձնահատկությունները»):

Արքմենիկ Նիկողոսյանը նշեց, որ այս տարի Մուրացանյան օրերի շրջանակներում նորություն էր գիտաժողովային ձևաչափը, որտեղ փորձ արվեց կապ հաստատել Մուրացանի և արդի հայ պատմավիպասանության միջև: Կարևորելով գիտաժողովի նշանակությունը՝ Ա. Նիկողոսյանն ընդգծեց, որ այն նպատակաուղղված շեշտադրում ունի, ինչն էլ ավելի առարկայական տեսք կստանա: Առաջիկայում զեկուցումները կիրատարակվեն առանձին գրքով:

Գրականագետ Հասմիկ Հակոբյանը, կարևորելով Մուրացանյան օրերը հայ գրական կյանքի աշխուժացման գործում, նշեց գիտաժողովի դերակատարության մասին: Ըստ նրա՝ միաժամանակ արծարծվեցին երկու կարևորագույն խնդիրներ. խոսվեց և Մուրացանի ստեղծագործությունների, և՛ ժամանակակից հայ պատմավեպի առջև ծառայած խնդիրների ու առանձնահատկությունների մասին:

Մուրացանյան օրերի մասնակիցները եղան հինավուրց Ամարասի եկեղեցում, ապա՝

Սխտորաշենի պատմական սոսենու մոտ, որին անդրադարձել է Մուրացանն իր ստեղծագործություններում, հիացան Արցախի պատմամշակութային հուշարձաններով և անզուգական բնությամբ:

Մայիսի 30-ին միջոցառումները շարունակվեցին Մարտակերտի շրջանի Կուսապատ գյուղում, որտեղ ժամանակին հաճախ էր լինում Մուրացանը: Կուսապատի գերեզմանատանն է ամփոփված մեծ գրողի մայրը: Ասենք նաև, այս գյուղի ծնունդ է Մուրացանի կին Ոսկին, այս գյուղում է հարսնություն արել գրողի քույր Դունաշը:

Մուրացանյան օրերին Կուսապատում ուրախանալու ևս մեկ առիթ ուներ. նշվում էր դպրոցի 135-ամյակը:

Տոնակատարություններին մասնակցելու էին եկել դպրոցի նախկին շրջանավարտներ: Կուսապատի բարերար՝ ռուսաստանաբնակ Միքայել Մարությանն ամեն անգամ հպարտ զգացումով է ուղք դնում հարազատ կրթօջախ և ոչ դատարկածեռն. այս անգամ նա համակարգիչներ նվիրեց դպրոցին, ունի և այլ ծրագրեր:

Դպրոցի 135-ամյակի և Մուրացանյան օրերին նվիրված ցերեկույթում ելույթ ունեցան ԳՄ նախագահ Վարդան Հակոբյանը, Մարտակերտի կրթության բաժնի վարիչ ժասմեն Դավթյանը, դպրոցի տնօրեն Անյուտա Խաչատրյանը և ուրիշներ: Գրականագետ, ՀՀ մշակույթի նախարարության գրքի և հրատարակչական գործի կենտրոնի հրատարակչական բաժնի պետ Արմեն Ավանեսյանը կուսապատցիներին խոստացավ իր նախաձեռնությամբ գրքահավաք կազմակերպել և նոր գրքեր նվիրել դպրոցի գրադարանին:

Դպրոցի կամարների ներքո աշակերտների շուրթերից հնչեցին Մուրացանի բյուրեղացած մտքերը, մեծարման ու գնահատանքի խոսքերով մեկ անգամ ևս արժևորվեց մեծ գրողի վաստակը:

Իր պավորությունների մասին այսպես է պատմում բանաստեղծ Աշոտ Գաբրիելյանը. «Արցախն ինձ համար չափազանց թանկ է: Արմատներով կապված լինելով Արցախի հետ՝ մանկության օրերին հաճախ էի այցելում այստեղ, և կարելի է ասել, որ այս հողն էլ է սնել իմ պոեզիան: Մուրացանյան օրերը լայն հնարավորություն են ընձեռում Արցախի և Հայաստանի, ինչու չէ, նաև Սփյուռքի գրողներին՝ միմյանց հետ անմիջական շփում ունենալու: Ծանաչելով միմյանց՝ լրացնում ենք մեկս մյուսին: Սա շատ կարևոր քայլ է հայ գրականության ապագայի համար»:

Բանաստեղծ Արտեմ Հարությունյանը Մուրացանյան օրերը կարևորեց փորձի փոխանակման և գրականության տարածման տեսանկյունից. «Սա դպրոց է երիտասարդ սերնդի համար: Ժողովուրդն այս կերպ հաղորդակից է դառնում դասական և ժամանակակից գրականությանը, Արցախն ինձ համար հայոց հողի թագն է, իմ ծնողների բարությունն ու պապիս իմաստությունը»:

Արցախը հպարտ է իր տաղանդավոր գավակներով: Եվ ինչպես Վարդան Հակոբյանն է ասում, նահատակվածների արյամբ ազատագրված հողի վրա ամուր կանգնելու ու այն պահպանելը նույնպես հերոսություն է: Եվ օրինաչափ է, որ Արցախում մեծ դասականի արվեստի օրերն ամեն տարի նշվում են որպես Մայիսյան տոների շարունակություն: Մայիսը մեր ժողովրդի համար հաղթանակների ամիս է:

Եվ թող մշտապես շարունակական լինեն մեր հաղթանակները:

135-ԱՄՅԱԿ

ԿՈՒՍԱՊԱՏԻ ԴՊՐՈՑԸ

Օեր Կուսապատի լեռնաստորոտում
Դու աչք ես բացել, հարազատ դպրոց,
Մարդկանց սրտերը լուսավորելու
Գիտելիքների դու մեծ զինանոց:

Արտավազ ԽԱՉԱՏՐՅԱՆ

Յուրաքանչյուր ազգ յուրովի է կերտում իր
մշակութապատմական կեցությունը՝ նաև
այդպիսի ստեղծելով համամարդկային ար-
ժեքները: Մշակույթի, կրթության ու գիտու-
թյան համակցության ու ներդաշնակության
արդյունքում գծագրվում է ազգի դեմքը, նրա
ինքնատիպությունը քաղաքակրթության
պատմության մեջ:

Կուսապատի հիմնավորը կրթությունն է
իր 135-րդ տարեդարձը: Հիրավի, պատկառե-
լի թիվ, որ կրկին համոզում է, որ հայ դպրոցը
որպես ազգի կենսագործունեության յուրա-
տեսակ ձև, շարունակում է ապրել ու արարել
բառի լայն իմաստով: Մեր ազգի պարագա-
յուն կրթական գործունը միշտ ունեցել է գա-
ղափարական ու քաղաքական նշանակու-
թյուն:

Կուսապատը ռուսական կայսրության
Ելիզավետպոլի նահանգի Ձիվանշիրի գա-
վառի ամենահին պատմական բնակավայրե-
րից է: Անհիշելի ժամանակներից գյուղում
գործել է եկեղեցական ծխական դպրոց: Ու-
սուցիչը որպես քահանա, նպատակ է ունեցել
եկեղեցական սպասավորներ պատրաստել:

Արխիվային տվյալների համաձայն,
1873թ. Կուսապատ գյուղում բացվել է մասնա-
վոր նախակրթարան՝ 25 աշակերտով: Պա-
րապնդումները վարում էր երիցվանդուն կր-
թություն ստացած Կոստան Զայրապետը, որի
տան սենյակներից մեկում էլ անց էին կացվում
դրանք:

1875-1876 ուստարում Կուսապատում
բացվել է միդասյա ծխական դպրոց՝ 25 աշա-
կերտով, դասավանդում էր մեկ ուսուցիչ:

1878թ. Կովկասի ուսումնական վարչու-
թյան թույլտվությամբ գյուղում բացվել է երկ-
դասյա ծխական դպրոց՝ 88 աշակերտով, որը
և համարվում է դպրոցի ծննդյան տարեթիվը:
Ուներ երեք բաժանմունք, երեք ուսուցիչ:
Դպրոցի տնօրեն է նշանակվել Էջմիածնում
կրթություն ստացած վարդապետ Զովսեփ
Փինջիյանը:

Չետաքերական է, որ այստեղ ուսուցումը
տարվում էր ոչ միայն հայոց, այլ նաև ռուսաց
լեզվով: Կուսապատի բնակչությունը ամենայն
նվիրվածությամբ օգնում էր դպրոցին:

1890-ական թվականների կեսերին, երբ
փակվում են հայկական դպրոցները, այստեղ
գործել է պետական դպրոցը: Այն ուներ երկու
բաժանմունք՝ հինգ դասարանով, 100 աշա-
կերտ, չորս ուսուցիչ:

Ուշագրավ է այն, որ 1901թ. Կուսապա-
տում բացվել է նաև աղջիկների հայկական
դպրոց՝ երեք բաժանմունքով: Պարապնդում-
ները տարվել են հասարակական-քաղաքա-
կան մեծ գործիչ Ալեքսանդր Բեկզադյանի
տանը, պետությունից գաղտնի, Շուշիի բարե-
գործական ընկերության հաշվին: Այն ուներ
երկու բաժանմունք, իսկ աշակերտների թիվը
հասնում էր 30-ի: Այստեղի երկրպագ դպրո-
ցում դասավանդում էին հայոց, ռուսաց լեզու-
ներ, Հայաստանի և Ռուսաստանի պատմու-
թյուն, աշխարհագրություն, քերականություն,
վայելչագրություն, կրոն, երգ, արվեստ, իսկ
աղջիկների դպրոցում, բացի այդ առարկանե-
րից, ուսուցանում էին նաև ձեռագործություն:

1906թ. տվյալներով, երկրպագ ծխական
դպրոցը դառնում է միդասյա երկսեռ, որտեղ
սովորում էր 53 աշակերտ, որից 24-ը՝ աղջիկ:
Ուսուցիչն էր Աբգար Տեր-Առաքելյանը:

1908-1909 ուստարում դպրոցն ուներ 66,
իսկ 1917թ.՝ 77 աշակերտ: Այն պահպանվել է
մինչև խորհրդային շրջանը:

Դպրոցը պահվում էր բացվաբանակ կուսա-
պատիցների Հայրենակցական միության
նպաստով (տարեկան 300ռ.) և աշակերտների
ուսման վարձով:

Ուսման տե՛նչ Կուսապատում միշտ էլ եղել

է, բայց սովորելու հնարավորություն ունեցել
են միայն ունևորները, որոնք մեկնել են Ռու-
սաստան և եվրոպական երկրներ՝ ուսում ձեռք
բերելու համար:

Հիշենք թեկուզ Զովսեփ Աբաբեկյանին,
որը թարգմանել է «Կոմունիստական
կուսակցության մանիֆեստի» մի քանի գլուխ:
1921թ. դպրոցը դառնում է տարրական,
իսկ 1931-32 ուստարում՝ 7-ամյա: 1936-37
ուստարուց դպրոցը գործում է որպես միջնա-
կարգ: 1937 թվականից մինչև մեր օրերը
կրթօջախը թողարկել է շուրջ 1400 շրջանա-
վարտ, որոնցից մոտ 300-ը ստացել են բարձ-
րագույն կրթություն՝ տարբեր մասնագիտու-
թյուններով:



Դպրոցում սովորում էին ոչ միայն Կուսա-
պատի, այլև հարևան գյուղերի՝ Ն. Զոռաթա-
ղի, Ծաղկաշենի, Մոխրաթաղի, Մեծ Շենի,
Գյուլաթաղի, Ջանյաթաղի, Մեհմանյայի և մի
շարք այլ գյուղերի աշակերտներ:

1937-ից միջնակարգ դպրոցի տնօրեններ
են եղել Ռուբեն Անաստասյանը, Աշոտ Համ-
բարձունյանը, Վլադիմիր Անաստասյանը, Ար-
շավիր Առստամյանը, Արշակ Գաբրիելյանը,
Արամ Գասպարյանը, Զուհան Զովհաննիսյա-
նը, Լևոն Զովհաննիսյանը, Եմմա Զովհաննիս-
յանը, Խրիստոս Քսիպտիկիցը, Սերգեյ Գրի-
գորյանը (մոտ 20 տարի), Սվետլանա Գաս-
պարյանը, Սուրեն Սարգսյանը, Կոլյա Բաբա-
յանը, Վանյա Մաթևոսյանը, Արցախյան գոյա-
մարտից հետո՝ Ռազմիկ Ստեփանյանը, Սվետ-
լանա Պողոսյանը, Վահրամ Գևորգյանը, իսկ
1999-ից մինչ այսօր՝ Անյուտա Խաչատրյանը:

Աշխատել են վաստակաշատ ուսուցիչներ՝
Ավագ Զայան, Ձինվադր Թարևոսյան (Ձին-
թաղե), Արվենիկ Զայան, Աստղիկ Եղիազար-
յան, Արաքսյա Զովսեփյան, Աշոտ Բաբայան,
Արտավազ Խաչատրյան, Աբրահամ Մարդ-
յան, որը երկար տարիներ եղել է դպրոցի ու-
սմավարը, Կատյա Խաչատրյան, Այա Հարու-
թյունյան, Արիս Գրիգորյան, Մելանյա Սկր-
տունյան, Տանյա Եղիազարյան, Գուրգեն Հա-
րությունյան և ուրիշներ:

Գյուղը ծնել է դաստիարակել է մի շարք
նշանավոր մարդկանց՝ Ջրաբերդի Մելիք Վա-
նին և իր եղբայր Հակոբ Աբաբեկյանը (նազմա-
գետ, ցարի կողմից արժանացել է մի շարք
պարգևների), Լևոն Աբաբեկյան՝ ժամանակա-
վոր կառավարության ֆինանսների նախա-
րար, բժիշկ, հրապարակախոս, գրող (Բաբ-
վում սպանվեց մուսավաթականների կողմից),
Ալեքսանդր Բեկզադյան (Լեհիցի զինակից, 1-
ին հանրապետության արտգործնախարար,
Հայաստանի դեսպանը Նիդեռլանդներում և
Նորվեգիայում), Եղբայր ՅՅԴ ակնառու դեմ-
քերից է եղել: Պետական գործիչներ՝ Ձիվի
Հարությունյան, Բագրատ Անաստասյան, Ար-
տեմ Պողոսյան, Կոլյա Ավագիմյան: Գիտական
աշխատողներ՝ Գուրգեն Անտոնյան՝ բանասի-
րական գիտությունների դոկտոր, պրոֆեսոր,
Լևոն Մայիսյան (Մեծ Շեն)՝ բժշկական գիտու-
թյունների դոկտոր, պրոֆեսոր, Սուրեն Անաս-
տասյան՝ անասնաբուժական գիտություննե-
րի դոկտոր, պրոֆեսոր, Զովակիմ Խոնդկար-
յան՝ բժշկական գիտությունների դոկտոր,
պրոֆեսոր (Մոխրաթաղ), Անգել Ագրիտով՝
ֆիզմաթ գիտությունների թեկնածու, դոցենտ,
Ալեքսանդր Բեկզադյան՝ իրավաբանական
գիտությունների դոկտոր, Յուրի Անաստաս-
յան՝ ֆիզմաթ գիտությունների թեկնածու:

Գրողներ՝ Լևոն Աբաբեկյան, Արշավիր Պե-
րոսյան, Իլյա Միքայելյան: Ռազմական գոր-
ծիչներ՝ գեներալ-մայոր Վլադիկ Խաչատրյան,
գնդապետներ՝ Աշոտ և Ռաֆիկ Զովհաննիս-
յաններ, փոխգնդապետ Ներսես Զովսեփյան:
Արցախյան շարժման ժամանակ, երբ կազմա-
կերպվում էին շտաբներ, Մարտակերտի շրջա-
նի 1-ին շտաբի պետն էր Վագիֆ Գալստյանը՝
Արցախյան պատերազմի հերոս:

Կուսապատի դպրոցի մասին հարուստ
տեղեկություններ են հաղորդում մանկավար-
ժական գիտությունների դոկտոր, պրոֆեսոր
Գրիշա Հարությունյանը, Քարահունջ գյուղի
կրթօջախի բազմամյա տնօրեն (նախկին),
հանրապետության վաստակավոր ուսուցիչ
Միքայել Բեգլարյանը, վաստա-
կաշատ մանկավարժ Ռաֆիկ
Բաղդասարյանը և ուրիշներ, ով-
քեր գեղավել են Կուսապատի դա-
րոցի հիմնադրման պատմության,
ուսուցիչների մանկավարժական
գործունեության ու նրանց օրի-
նակելի հարուստ փորձի ուսում-
նասիրմամբ:

Միքայել Բեգլարյանը, «Իմ
սերնդի ճակատագիրը» գրքում
անդրադառնալով Կուսապատի
կրթօջախին, ծննդյան տարեթիվն
ավելի վաղ է համարում: Նրա հա-
մոզմամբ՝ դպրոցը հիմնադրվել է
ոչ թե 1878-ին, այլ՝ 1874-ին և շատ
հարուստ պատմություն ունի: Տե-
ղի մանկավարժները միշտ աչքի
են ընկել իրենց առաջադեմ
հայացքներով,
աշակերտներին կայուն գիտելիքներ
հաղոր-
դելով՝ հետևել նրանց ընդունակու-
թյունների
դրսերումանը, զարգացրել կրթօջախի
ավան-
դույթները:

Նա հաստակապես խոր ակնածանքով է խո-
սում գյուղի հպարտությունը հանդիսացող
Աբաբեկյանների հայրենասիրական մեծ առա-
քելության, նրանց նվիրումի ու ազգապահ-
պան ձեռնարկումների մասին: Կազմելով
Աբաբեկյանների տոհմածառը՝ Միքայել Բեգ-
լարյանը փորձել է հայրենիքին մատուցած
ծառայությունների դիմաց արժանի մատու-
ցել և նրանց օրինակ ուսանելի դարձնել երի-
տասարդ սերնդի համար, հավերժացնել Կու-
սապատի երևելի զավակների պայծառ հիշա-
տակը: Եվ հիմուտ մանկավարժը, մեկ առ մեկ
անդրադառնալով նրանցից յուրաքանչյուրին,
սկիզբ առած տոհմի նահապետից՝ Հարու-
թյուն (Թյուն) Աբաբեկյանից մինչև Լևոն Աբա-
բեկյանը, մեզ հաղորդակից է դարձնում այդ
լուսավոր, առաքինի մարդկանց գործունեու-
թյանը: Լևոն Աբաբեկյանի «Բանաստեղծու-
թյուններ» գրքույկն առաջին անգամ հրատա-
րակվել է Բաբվում, 1913թ.: Իսկ 1957թ. հունի-
սի 26-ին մեծամուն գրող Ավետիք Իսահակյա-
նը նամակով դիմում է «Հայպետհրատ»-ի
տնօրենին, որպեսզի լույս ընծայեն հանգուց-
յալ Լևոն Աբաբեկյանի բանաստեղծություննե-
րից մի գրքույկ՝ մոռացության չտալու Լևոն
Աբաբեկյանի հիշատակը և մանավանդ ընդա-
ռաջելու բազմաթիվ ընթերցողների փափա-
զին, որոնք ուզում են ունենալ նրա բանաս-
տեղծությունները: Գիրքը հրատարակվում է,
որտեղ գրված են մի շարք լիրիկական ու խո-
հական քառյակներ և ապրված գեղեցիկ ոտա-
նավորներ, ինչպես օրինակ՝ նրա «Լաց մի
ինիլ» (տե՛ս էջ 12) ոտանավորը: Իրոք, ապր-
ված և շատ գեղեցիկ ոտանավոր:

Ղարաբաղի մեկնությունների մայրամու-
տի և ռուսական բանակի գործելակերպի ժա-
մանակաշրջանը վեր է հանել ոչ քիչ քաջ
տղամարդկանց անուններ: Մելիք Վանի Աբա-
բեկյանը մեկն է այն արժանավորներից, ում
անունը ոսկե տառերով է գրված Կուսապատի
պատմության մեջ: Հենց նրա ջանքերով է
դպրոցը հարտանկել ու պետական կարգավի-
ճակ ստացել, ով այն ժամանակ հանդիսանում
էր ռուսական բանակի կովկասյան զորքերի
գլխավոր հրամանատարի քաղաքական գծով
տեղակալը և գեներալ-լեյտենանտի զինվորա-
կան կոչում ուներ: Իսկ ռուս հայտնի զինվորա-
կան պատմաբան Պոտոտյի «Ղարաբաղի
առաջին կամավորականները» աշխատու-
թյան մեջ հեղինակը հաճախակի է անդրա-

դառնում Մելիք Վանու քաջագործությանը:
Ըստ հավաստի տեղեկությունների՝ ռուսա-
կան բանակի շարքերից զորացրվելուց հետո
Մելիք Վանին շուրջ 40 տարի ղեկավարել է
Ջրաբերդը և որպես ազդեցիկ քաղաքական
գործիչ, նշանակալի դերակատարություն է ու-
նեցել զավառի ընդհանուր շահերը պաշտպա-
նելու, թշնամու դեմ պայքարում բնակչության
ուժերը համախմբելու, նրա անվտանգու-
թյունն ապահովելու գործում:

Հարազատ կրթօջախի պատմությունը
անհնար է դիտարկել առանց տարբեր ժամա-
նակներում դպրոցի հետ սերտորեն կապված
նշանավոր մարդկանց անունների: Արցախյան
պատերազմի տարիներին դպրոցի շենքը հիմ-
նահատակ ավերվել էր: Դպրոցի ներկայիս
շենքը վեր է բարձրացել հենց նախկին կրթա-
րանի տեղում: Այն ամբողջովին կառուցվել է
Լոս Անջելեսի «Հայրենիք» բարեգործական
միության ջանքերով: Այս գործում անհամե-
մատ մեծ է Սուրեն Գալստյանի և Գրիգորի
Միրզոյանի դերը, ովքեր Արցախյան շարժման
ակտիվ մասնակիցներից և առաջնորդներից
են:

Գյուղը հավերժի ճամփորդ է դառնում իր
նվիրյալ զավակներով, որտեղ էլ որ նրանք
ապրելիս լինեն: Մեզ համար, հիրավի, ցան-
կալի է հիշել, մի այնպիսի կուսապատու
անուն՝ ինչպես Միքայել Մարությանն է, որը
թեկուզ ապրում է հեռավոր Օրենբուրգում,
սակայն ուշքն ու միտքը, սիրտն ու հոգին իր
ծննդավայրի հետ է, որտեղ լսել է իր մայրա-
կան օրորը, ավարտել միջնակարգ, գտել իր
գիտակցական կյանքի ուղին ու երբեք չի մո-
ռանում գյուղը: Նրա սերն ու կարոտը գյուղի
հանդեպ արտահայտվեցին իր իսկ միջոցնե-
րով կառուցված՝ գյուղամիջոց կանգնեցված
գոհված ազատամարտիկների հիշատակը
հավերժացնող հուշարձանը, կրթօջախի 130-
ամյակի կապակցությամբ դպրոցի բակում
կանգնեցված՝ երգի փոխված հուշադյուրը,
Մուրացանի կիսանդրու վերականգնումը
դպրոցի բակում և դրա հետ կապված միջոցա-
ռումներ ու մրցանակաբաշխություններ, երե-
խաների տարեվերջյան էքսկուրսիաների
կազմակերպումը դեպի Գանձասար և այլն:

Անցած ուսումնական տարվա մայիսին էլ,
հուրախություն կուսապատիցների, նրա մի-
ջոցներով ստեղծվեց այն համագանցը, որ մեր
չնաշխարհիկ, հինավուրց, բայց գողտրիկ
գյուղը կապեց արտաքին աշխարհի հետ: Իսկ
այսօր նրա կողմից ևս մի հաճելի անակնկալ
մատուցվեց դպրոցին. այս անգամ արդեն իր
կամեցող, ազնվագույն գործընկերների հետ
միասին կահավորվեց մի ամբողջ համակարգ-
չային դասասենյակ՝ ժամանակի պահանջնե-
րը բավարարող բոլոր պարագաներով:

Միլիոն բարեարարներ, դուք օրինված եք,
քանի որ Կուսապատի դպրոցը շեն ու առողջ
պահելու փոքր ու մեծ ձեռնարկումները հաս-
տատում են, որ դուք ոգու, գաղափարի և
ճշմարիտ արժեքների ջատագովներ եք: Դուք
ամուր եք կանգնած մեր գյուղի դպրոցի փա-
ռավոր անցյալում իրենց ծանրակշիռ ներդ-
րումներն ունեցած անհատների կողքին: Ան-
տարակասյա, ձեր անունը ոսկե տառերով է գր-
վելու դպրոցի պատմագրության ու կենսագ-
րության և սովորողների հիշողության էջերում:
Ուստի դպրոցի մանկավարժական, աշակեր-
տական և ծնողական կոլեկտիվների կողմից
մեր խորին շնորհակալությունն ենք հայտնում
ձեզ, քանզի բարեգործությունը երախ-
տագիտությամբ է հիշվում միշտ:

Կուսապատի դպրոցը եղել է, կա ու կլինի:
Աշխարհում ծնվում են մի օր, աշխարհից
գնում են մի օր: Մենք պետք է ապրենք այն-
պես, որ մեր հող հայրենին մշտապես լինի մեր
մեջ, այլապես կնշանակի, որ մենք չենք ծնվել
ու աշխարհից չենք գնացել՝ եթե մենք չենք լի-
նում մեր հայրենի գյուղում: Այո, որտեղ էլ լի-
նենք, ինչ էլ լինի, պիտի ապրենք հանուն Ղա-
րաբաղի և պիտի մշտապես մեր տնկած ծա-
ռին մի բուռ ջուր լցնենք: Մենք պիտի մի բեռ
հույս պահենք և պիտի մեր բեռից ավելի՝ հա-
վատը պահենք, քանզի հավատի վրա է կա-
ռուցված ամեն ինչ:


Անյուտա ԽԱՉԱՏՐՅԱՆ
Կուսապատի միջև. դպրոցի փնթոն

ԳՐԱԿԱՆ

Կոմիտաս ԴԱՆԻԵԼՅԱՆ

ԾԱՌԻԿՆԵՐ՝ ՀԱՄՁԵՆԻՑ (պատմվածք)

Նվիրում եմ մեր անհայտ կորած ազատամարտիկներին, այդ թվում և իմ Նարեկ որդուն



- Չէի՞ր ցանկանա մի անգամ ինձ հետ թուրքի գնալ:

- Դրա համար ես ինձ կանչել,- Նորայրը քննադատաբար ասեց: Ի՞նչ եմ կորցրել այնտեղ:

- Իսկ գո՞ւցե կորցրել ես:

- Դե, հա՛, Արևմտյան Հայաստանը:

- Կարող է՞ ոչ միայն դա:

Նա զարմանքով ու տարակուսած նայեց ինձ: Ես մի հայացք ձգելով մեր շուրջը՝ ծայրս իջեցնելով ասացի.

- Այնտեղ հանդիպել եմ մեկին, որը Նվերին շատ էր մոտ:

- Որտե՞ղ,- արագ հարցրեց:

- Խոփայում. մավահանգստային փոքրիկ քաղաք է Ան ծովի ափին, Բաթումին համարյա թե կաած:

- Գիտե՞մ,- նա խոժոռ գլխով արեց:- Դու, ինչ է, մորաքրոջդ տղային չե՞ս ճանաչում,- դա այնքան խիստ արտասանեց, որ ես փոքր-ինչ վիրավորվեցի, թեև ցույց չտվի:

- Չգիտե՞մ,- ասացի,- տարիքի հետ մարդիկ փոխվում են: Այն ժամանակ Նվերը տասնութ-տասնինը տարեկան էր, հիմա...

- Հիմա՞ քառասուն,- Նորայրի աղամսին-ծորը թեթևակի ցնցվեց:

- Նա էլ այդքան կլինե՞ր: Սիրուն, համակրելի տղամարդ էր: Նա ավելի շատ քեզ էր մտնում,- ասացի հանկարծակի, գյուտ արածի նման՝ հայացքս հառած Նորայրին:- Ես հենց հիմա տեղը բերի: Լավ հիշում եմ, քսան-քսանինգ տարի առաջ դու ճիշտ այդպիսին էիր,- գոչեցի ոգևորված:

Նա անհանգիստ շարժվեց աթոռին.

- Բա չհարցրի՞ր, չխոսեցի՞ր հետը:

- Ինչպես չէ, խոսեցի, հարցրի անունը, բայց, կարծում եմ, նա խուսափողական պատասխան տվեց:

- Ի՞նչ ասաց:

- Ասաց՝ Նաթիգ է անունը:

- Հայերե՞ն էիք խոսում:

- Չէ, թուրքերեն:

Նկատեցի՝ ինչպես Նորայրի դեմքով ինչ-որ սովեր անցավ:

Ջահել, ժպտերես մատուցողուհին մի-մի բաժակ սուրճ դրեց մեր սեղանին:

- Նվերը ո՞ր ոտքից էր վիրավորվել,- զգուշորեն հարցրի,- ա՞՞, թե՞ ծախ:

Նորայրն անմիջապես չպատասխանեց, հայացքը բեռեղ էր անորոշ մի կետի: Ու ես զգացի, թե որքան դժվար է նրա համար խոսել այդ մասին, և ինչպիսի ծանր զգացում էր պարուրել նրան՝ անհայտ ճակատագրի մատնված որդուն հիշելով, թեև նրա դեմքին ոչ մի մկան չէր շարժվում, թեպետ արտաքինապես միանգամայն հանգիստ էր: Երկար ժամանակ չէի հանդիպել Նորայրին ու հիմա գտա, որ նոր կնճիռներ են ավելացել դեմքին: Մի խոսքով՝ նա իր տարիքից ահագին մեծ էր երևում ու երբեմնի պայծառ, կենսափնդ մարդը չէր այլևս:

- Մեզ ման տեղեկություն չե՞ն հաղորդել,- ի վերջո պատասխանեց դժկամ:

Ես ընպանակից մեքենաբար մի կու՞մ անե-

լով, ասացի կամացուկ.

- Այդ տղամարդը թեթևակի կաղում էր այդ ոտքից:

Նա մի երկվայրկյան տատանվեց, հետո ծանր արտաբերեց.

- Ի՞նչ էր նա անում այնտեղ:

- Շուկայում պնդով էր վաճառում:

- Պնդո՞ւկ,- Նորայրը սառը ժպտաց և ափով շփեց կզակը:

- Հա, տկողին, տխիլ: «Գրանդ քենդի»-ից տասը տոննայի պատվեր ունեի, պիտի բերեի երևան: Շուկայի նրանց ունեցածը կշեղ-բարձեղով, միասին (երկուսով էին) գնացինք մոտակա գյուղը և մնացածը տեղի պահեստից լրացրինք: Գյուղի շրջակա բլուրները պատված էին տխլեմու անտառներով: «Դուք այստեղ եք ապրում», հարցրի նրանց: «Հա»,- ասաց մյուսը, որ երկար-բարակ բոյ ուներ: Ինքն ամբողջ ճանապարհին լուռ էր, մի բառ անգամ չարտահայտեց: Հարմար պահ որսալով՝ ասացի. «Դուք ո՞նց որ թուրք չեք»: «Մենք համաշխարհային պատասխանեց լողողը ոչ առանց հպարտության: «Համաշխարհային»,- ուզեցի ճշտել: «Ասացի՞ համաշխարհային», կարճ կապեց նա մի այնպիսի տոնով, որ ես այլևս հարցուփորձ չանեմ:

Նորայրը լուռ լսեց, ապա հարցրեց կիսա-ծայն.

- Այդ ե՞րբ է եղել:

- Մոտ մի ամիս առաջ:

Նա հանդիմանանքով, համարյա նեղացած վրա բերեց.

- Իսկ ինչո՞ւ հիմա ես ասում:

- Չգիտեմ... Տատանվում էի՝ ասելը ճիշտ կլինի, թե՞ չասելը:

- Հո ուրիշ մեկին չե՞ս պատմել:

- Չէ, ի՞նչ ես ասում:

Նա լռեց բավական երկար: Ուշացումով նկատեցի, որ համակ ուշադրությամբ սրճա-րանում ոչ բարձր հնչող երգն էր ունկնդրում.

*...Թե չընկնեմ ես մարտում,  
Ա՛յս, իմ մայր բանկազին,  
Տուն կգամ ես կրկին,  
Կսփոփեմ քո հոգին  
Համբույրով սրտագին,  
Կսեղմեմ քեզ իմ կործին:  
Թռչի մտքով տուն,  
Ուր իմ մայրն է արթուն...*

- «Մարտիկի երգը»... Դրան ես վաղուց նոր վերնագիր եմ տվել՝ «Նվերի երգը», հայացքը փախցնելով, ճիգով խոսեց Նորայրը:

Անկեղծ ասած՝ նրա հուզմունքը համակել էր նաև ինձ:

- Դու ե՞րբ ես գնալու այնտեղ,- անսպասելիորեն հարցրեց:

- Երկու-երեք օրից,- ասացի,- երևանից «Մանչո գրուպ»-ի զանգին եմ սպասում: Կգա՞մ ինձ հետ:

- Կգամ,- իսկույն պատասխանեց՝ կարճ ու վճռական, ապա խիստ պատվիրեց, որ Գոհար մորաքույրս ոչինչ չպիտի իմանա:- Կասեմ՝ քեզ հետ Ջավախք եմ գնում մի քանի օրով: Այնտեղ եմ, չէ՞, բանակում ծառայել: Կասեմ՝ օր-ծերության կարող եմ վերջ սարին ու Փարվանա լճին,- նա տխուր ժպտաց:- Ախալ-քալաքո՞վ չպիտի գնանք:

- Հա, Ախալքալաքով:

- Իսկ փաստաթուղթ-բա՞ն,- նա նայեց ինձ մի տեսակ անօգնական հայացքով:- Չէ՞ որ հայերիս առջև փակ է նրանց սահմանը:

- Դա ինձ թող: Քանի՞ տարի է՞ ամիսը մեկ-երկու անգամ գնում-գալիս եմ: Սահմանը Հայաստանի տարածքով է փակ, Կրաստանով՝ ոնց քրի ճամփա: Անձնագիրդ հերիք է,- վստահեցրի նրան և սովորության համաձայն սուրճի դատարկ բաժակս շրջեցի պնակի մեջ ու տեսա, որ Նորայրն իր բաժակին ձեռք չէր տվել:

Էլի մի քանի նախադասություն փոխանա-

կելով մեր առաջիկա ուղևորության շուրջ, փորոց ելանք:

- Գուցե ուղեկցե՞մ քեզ,- հարցրի:

Նա բացասաբար շարժեց գլուխը, ձեռքն ինձ մեկնեց և փոթկոտ քայլերով հեռացավ: Ասես ուշանում էր ինչ-որ կարևոր հանդիպումից: Ամենայն հավանականությամբ, ցանկանում էր թուրք առաջ ներանձնանալ:

Ես հայացքով երկար ուղեկցում էի Նորայրին՝ երկու տասնամյակ առաջ անհայտ կորած որդու արագ ծեղացող հորը, զգալով, թե ինչպես է սիրտս բաբախում անսովոր շփոթով, չէ՞ որ նրա վիշտն ինչ-որ չափով նաև իմն էր: Մտածում էի՝ ճի՞շտ վարվեցի, արդյոք, այդ ամենը նրան հաղորդելով, արժե՞ր քրքրել խեղճ մարդու չսպիացող վերքը: Իսկ եթե հանկարծ նա Նվերը չլինի՞: «Բայց եթե նա Նվերն է»,- հուշեց մի ներքին ձայն...

Ստույգ պատկերացրի Նվերին՝ քահել, կիրթ, լուրջ, մարդամոտ: Օտար լեզվի վերջին կուրսում էր սովորում: Առաջնակարգ մարզիկ էր նաև: Կամավոր եկավ բանակ: Նախ Բեկոր Աշոտի վաշտում էր: Աշոտը նրան՝ որպես նորեկ, մարտի չէր տանում, և Նվերը՝ նեղացած, նորակազմ վաշտ տեղափոխվեց: 1922թ. ամռանը Մարտակերտի շրջանում անփորձ, անվարժ զինվորները շրջափակման մեջ ընկան... Ինչ-ինչ աղբյուրներից իմացվեց, որ Նվերը վիրավորվել էր ոտքից և իբր բուժման էր տարվել Կիրովաբադի ռուսական հոսպիտալ: Մի առ ժամանակ անց լուրեր շրջանառվեցին նրան պատանդ պահելու մասին, հետո՛ այլևս ոչ մի տեղեկություն: «Կարմիր խաչի», մյուս պատկան մարմինների փնտրություններն ասպարդյուն անցան:

\*\*\*

Երկու օր անց, լույսը դեռ չբացված, ճանապարհ ընկանք:

Մեզ հետ մի ուղևոր էլ էինք վերցրել: Տեղի մանրավաճառներից էր: Նորայրը հետո պիտի ասեր՝ մանրավաճառ, թե՞ մարմնավաճառ. միակ կատակը, որ հնչեց նրա բերանից այդ չորս օրով ընթացքում: Նա, ճիշտ է, շատախոս չէր, բայց ճանապարհին ավելի լռակյաց էր դարձել: Խոսում էր առիթից առիթ: Պատճառը գո՞ւցե անծանոթ կնոջ ներկայությունն էր կամ գո՞ւցե թե առաջիկա հանդիպման անորոշությունն էր կաշկանդել նրան: Փոխարենը մեր ուղևորուհին էր չաչանակի պես շաղակրատում: Լավ պահպանված, կանացիությունը դեռևս չկորցրած, անորոշ տարիքի սպիտակամաշկ կին էր, մախկին բաբվեցի, անունը՝ Փերի: Նրա պահվածքից, խոսք ու զրույցից դժվար չէր կռահել, որ թուրքերի մոտ ելունուտ ուներ: Իր ասելով՝ կանացի ներքնաշորերի և արդուզարդի առևտրով էր զբաղվում:

Երբ Աղավնո գետի կամուրջն էինք անցնում, Նորայրն ասաց.

- Հագարամյակներ անց, Տիգրան Մեծից հետո հայոց երկիրն առաջին անգամ որոշակիորեն ընդարձակեց իր տարածքը՝ շնորհիվ արցախցիների: Չուր չէ Բագրատ Ուլուբաբյանը արցախահայությանը սերմացու ժողովուրդ անվանել:

- Սերմացո՞ւ,- Փերին սրտալի քրքջաց,- ամմա ասել է, է՞:

Հետո թուրքակն անան էլի ու էլի էր կրկնում և ծիծաղում լիաթոք՝ շաղահարելով փաթեթ մարմինը: Կարծես ինչ-որ մեկը մատով ծածուկ, հերթով խտրազանցում էր նրա գերզգայուն անդամները:

Ախալքալաքում Նորայրը վաղեմի կարոտով հիշեց, որ շուրջ քառասուն տարի առաջ ինքը ծառայել է այդտեղ տեղակայված դիվիզիայի տանկային գնդում: Մի քանի հետաքրքրաշարժ դրվագներ պատմեց:

- Զինվորական թաղամասը գետի հակա-

ռակ ափին էր,- ասաց,- կամրջով կապված քաղաքի հետ: Հիմա չկա: Սահակաշվիլին չէր հանդուրժել. ռուսներին թողած՝ թուրքերի հետ է եղբայրություն անում հայից պտկված ու իրեն վրացի հորջորջող այդ մանկուտը:

- Դու խաբել ես մեզ՝ ասելով, թե առևտրական ես,- ծղրտաց Փերին անզուսպ եռանդով,- դու առևտրական չես:

- Ես թուրքական լրտես եմ,- անտարբեր վրա բերեց Նորայրն ու շարունակեց:- Քանի՞ հայկական եկեղեցի եմ վրացիները սեփականացրել այդ նույն Սահակաշվիլու թողտվությամբ: Այդպես է, ազգուրաց մարդուց, լուսահոգի հորս ասած՝ ամեն տեսակի շանտաշարյուն կարելի է սպասել:

Ախալքալաքի հյուրանոցում, ուր գիշերեցինք, հարկ եղավ մի քանի անհանգիստ ժամ անցկացնել: Նորայրի զարկերակային ճնշումը կտրուկ բարձրացել էր: Իր ամենօրյա դեղերը չէին ազդում: Ու այդտեղ հիշելով, որ երկու անգամ սրտամկանի ինֆարկտ էր տարել, տագնապահար եղա, սաստիկ զարմանալով, որ մինչ այդ երբեք չէի մտածել դրա մասին: Ես ինձ մեղավոր էի զգում նրան փորձության մեջ ներքաշելու համար: «Շտապ օգնություն» կանչեցինք: Եկան, սրկեցին, ճնշումն իջավ: Բժիշկը հայուհի էր, խորհուրդ տվեց մի քանի օր անկողնում մնալ, մեկուսի հանդիմանելով ինձ՝ ես սրտով նրան եղ ո՞ր եք տանում:

- Ոչ մի անկողին,- լուսաբացին կտրակա-նապես հայտարարեց Նորայրը,- գնում ենք: Անհանգստանալու կարիք չկա: Պարզապես հոգնել էի: Տասնհինգամյա ճանապարհը հո՞ կատակ չէ:

Սարկի անցակետը բարեհաջող անցնելով՝ մտանք թուրքիս: Նորայրը, որ մինչ այդ բավական լարված վիճակում էր, գոհունակ շունչ քաշեց: «Տեղ Աստված,- մտնտում էի ինքս ինձ,- այնպես արա, որ նա Նվերը լինի»:

Ի դեպ, թվում էր՝ թուրք սահմանապահներին ու մաքսատան ծառայողներին բնավ չէին հետաքրքրում իրենց երկիր մտնող մարդիկ, փոխարենը մանրամասնորեն տրանսպորտային միջոցներն էին զննում: Թե՛ այդտեղ, թե՛ Կրաստանում ավտոտեսչի երես չտեսանք, մինչդեռ մերոնք գրեթե ամեն կեսմանում կանգնեցնում էին մեզ:

Փերին երբ իջավ խոփայում (այնտեղից Տրապիզոն պիտի գնար), Նորայրը տհաճորեն քրթմնջաց.

- Առաջներում հայ կանայք թուրքի ճանկից խուսափելու համար իրենց զգում էին քարա-ժայռերից կամ գետն էին նետվում, իսկ հիմա իրենք են իրենց թուրքի գիրկը նետում:- Հետո թե՛ եթե 1920 թվականին Սևրի պայմանագիրն ուժի մեջ մտնեք, այս հողերը, Տրապիզոնով հանդերձ, մերը կլինեցին:

- Գոնե եղածը կարողանանք պահել,- ասացի:- Լսե՛լ ես այս անկողնուց. Լևոն Ադյանի «Հեռացող եզերք» գրքում եմ վերջերս կարդացել: Եզրին ասում է՝ հայ ժողովուրդը շատ լավ ժողովուրդ է: Թիֆլիսը սարքին՝ տվին վրացոց, Բաթումը սարքին՝ տվին ադրբեջանցոց, Երևանը էլ սարքում են՝ տան մեզ, իրենք գնան Ամերիկա:

Նորայրը չարձագանքեց:

- Հասնո՞ւմ ենք,- հարցրեց նա մտախոյզ:

- Շուտով,- ասացի:- Մեր առջև նորից ճորտն է:

- «Աստվածաշնչում» հիշատակված հինգ գետերից մեկն է, որոնք սկիզբ են առնում Հայաստանից:

- Եփրատ, Տիգրիս, Քուռ, Արաքս, ճորտիս... Ասել է թե՛ դրախտը Հայաստանում է եղել:

- Այդպես է ստացվում:

Շարունակելի




ՎԵՐՁԻՆ ԷՋ

ԱՅՑԵԼՈՒԹՅՈՒՆ ԲՅՈՒՐԱԿԱՆ

ժամանակն իր վախճանին կհասնի, և Արևը մի բուռ կդառնա:

Մայիս ամսուն Քարվաճառի Վ. Սարոյանի անվան միջնակարգ դպրոցի ինններորդ դասարանի աշակերտներն այցելեցին Բյուրակյան: Նպատակը Բյուրակյանի աստղադիտարանը, Վ. Համբարձումյանի տուն-թանգարանը և գիշերային երկինքը դիտակի միջոցով տեսնելն էր:

Աշակերտների ոգևորությանը չափ ու սահման չկար: Թեև ես պատկերացնում էի, թե ինչ ազդեցություն պիտի ունենա սաներիս վրա Բյուրակյանի՝ գիտության դարբնոցի կամարների ներքո գտնվելը, որովհետև հասցրել էի ճանաչել այդ մատաղ հոգիներին, սակայն իմ ենթադրածից ավելին էր ազդեցությունը: Աստղագիտության դասերին նրանց պատանեկան մաքուր հայացքներում տեսնում էի տիեզերքի անիմանալի առեղծվածներին տիրապետելու ձգտումը (նրանցից շատերը երագում են դառնալ տիեզերագնացներ):



Բյուրակյան իր ներքին կահավորումով և դարձնելով աստղադիտարաններով հիշեցնում է տուն-թանգարան, որտեղ ոչինչ չի փոխվում՝ չխախտելու համար հիշողությունը: Այո, այնտեղ, ինչպես թանգարանում, պահվում է երբեմնի փառքի հիշողությունը, հիշողությունը, որ պատվում է անցած, բայց հավերժ ապրող անունների շուրջը:

Մեր ճամփորդության համար երախտապարտ ենք «Ղարաբաղ Տելեկոմ» ընկերությանը՝ հովանավորելու խնդրանքը չներժելու և Քարվաճառի երեխաներին նման հնարավորություն ընձեռելու համար:

**Ռ. ՍԵՐՈԲՅԱՆ**  
Քարվաճառի միջև. դպրոցի ֆիզիկայի ուսուցչուհի

«ՄԻՇՐ»-Ը ԲԱՐՎԱՃԱՌՈՒՄ

Համարել Լուռեցու՝ Հովհաննես Թումանյանի ստեղծագործությունները հաճախ են տեղ գտել մեր կոմպոզիտորների, կինոռեժիսորների ստեղծագործություններում («Անուշ», «Ալմաստ», «Լուռեցի Սաքոն», «Գիքորը») և իրավամբ համարվել կինոյի և օպերային արվեստի մարգարիտներ: Թատրոնը նույնպես անդրադարձավ Թումանյանի արձակ ստեղծագործություններին: Տաղանդաշատ կինոռեժիսորը,

«Ոսկու կարասը»: Անշուշտ, առաջնային են հեքիաթների գաղափարները՝ բոլոր իրավիճակներում լինել խելացի, չկորցնել բանականությունը, լինել արդարամիտ և աչք չուներնալ ուրիշի ունեցվածքին: Հիշել, որ նյութական գայթակղությունը դժբախտություն է ծնում, կարող է ի չիք դառնալ, իսկ բարությունը, բարի գործն անմահ է:

Այս ամենը մեկ անգամ ևս հիշեցնելու առաքելությամբ էին երիտասարդ դերասանները ներկայացել: Մենք ակնատեսը եղանք թատերարվեստի մի նոր ոճի, նոր խոսքի՝ հանդիսատեսին ասելիքն ուղղել շարժումներով, պարային էլեմենտներով: Սրա մեջ կար է մնջախաղ, և պար, և հնարքներ, որոնք միջավայր էին ստեղծում: Եվ այս ամենը միաձուլվում, միս ու արյուն էր դառնում հոգեպարար ու նրբաճաշակ երաժշտության ներքո:

Վատահ են, որ «Միհր» թատերախմբի ելույթն իր դերը կունենա մեր երեխաների մեջ գեղեցիկի նկատմամբ վերաբերմունքի, ճաշակի ձևավորման ու զարգացման գործում:

Ուզում են Քարվաճառի աշակերտության ու նաև մեծերիս անունից շնորհակալություն հայտնել Թամարային և փոքրիկ այդ թատերախմբին՝ անմոռանալի պահեր պարզաբերելու համար:

Ասում ենք՝ բարի ճանապարհ, նորից հանդիպելու ակնկալիքով:

**Ս. ԱԼԱՎԵՐԳՅԱՆ**  
Քարվաճառի միջև. դպրոցի ուսուցչուհի

**Ի ԳԻՏՈՒԹՅՈՒՆ ԸՆԹԵՐՑՈՂՆԵՐԻ**  
Գործում է «Լուսարար» թերթի կայքէջը՝ [www.lusarar.info](http://www.lusarar.info)

Լևոն ԱԹԱԲԵԿՅԱՆ

ԼԱՑ ՄԻ՝ ԻՆԻԼ

Շենի կլխին հանգիստարան, Քու հար ընդեղ թաղած ա, Ըսօր-էքյուծ թեզ միար էլ, Կասին՝ ընդեղ թաղած ա:

Վերջը տա յա, Լաց մի՛ ինիլ:

Սարի սեռին մին կարմյուր թողպ Կամանց-կամանց սվացավ. Մարդի բախտը ըսօր՝ կարմյուր, էքյուծ տեսեր, սվացավ:

Բախտը թոխալ ա, Լաց մի՛ ինիլ:

Ըսօր՝ ջահիլ, էքյուծ՝ պառավ, Ես հինջ յաման տնագ ա, Ես աշխարհը լուս ցերեկավ, Պեց ըշկերավ արագ ա:

Լոխ արագ ա, Լաց մի՛ ինիլ:

Ջահիլ հարսը սրված թոր ա, Հով վեր սաղ ա՝ նրանն ա, Թա կաս, ըսօր տարը տու ըս, էքյուծ տարը դուշմանն ա:

Սերը ստտ ա, Լաց մի՛ ինիլ:

Հինգյեր-տղան մին ծաղիկ ա, Այգա տարավ՝ չուրացավ, Ըսօր խաթրին արյուն կանի, էքյուծ տեսեր, մոռացավ:

Ճարտ տու ըս, Լաց մի՛ ինիլ:

Լափու տվող կետի ճիրան Քար չըկա վեր չմաշի, Սերտը բար չի, ըրտուբան Ըսօր-էքյուծ կմաշի:

Դարդոտ ախաբեր, Լաց մի՛ ինիլ:

Իրիքնյակը երկինքավը Իրան միար շոռ ա տան, Թա ապրողին, թա մեռածին Իրան յուսան փայ ա տան:

Մին հաշեվ ա, Լաց մի՛ ինիլ:

Կանաչ խութին հանգիստարան, Քու մար ընդեղ թաղած ա, Ըսօր-էքյուծ թեզ միար էլ, Կասին՝ ընդեղ թաղած ա:

Ազիգ ախաբեր, Լաց մի՛ ինիլ:

Խոսք հիշատակի

ԳՐԻՇԱ ՍԵՐՈԲԻ ՂԱԼԱՅԱՆ



Նոր էր նշել իր 60-ամյակը, բայց չհասցրեց վայելել 60-ամյա բարձունքից կյանքին նայելու և այն վերագնահատելու բերկրանքը...

Ապրիլի 22-ին հանկարծամահ եղավ Վանքի Գ. Հայրապետյանի անվան միջնակարգ դպրոցի մաթեմատիկայի վաստակաշատ ուսուցիչ Գրիշա Սերոբի Ղալայանը:

Տվեց վերջին դասը, հանձնարարեց քննության առաջադրանքները ու գնաց...

Ծնվել է 1953թ. մարտի 13-ին, Մարտակերտի շրջանի Վանք գյուղում: 1960թ. ընդունվել է 1970թ. ավարտել է գյուղի միջնակարգ դպրոցը:

1971թ. գորակոչվել է ժառանգել է ԽՍՀՄ զինված ուժերում:

1974թ. ընդունվել է 1978-ին ավարտել է Ստեփանակերտի մանկավարժական ինստիտուտի մաթեմատիկայի ֆակուլտետը: Ավարտելուց հետո գործուղվել է Շամախի շրջանի Մարտունի գյուղ, որտեղ աշխատել է երեք տարի: 1981-86թթ. աշխատել է Մարտակերտի շրջանի Քոլատակ, Առաջաձոր, Ծանկահող գյուղերի դպրոցներում: 1986թ. սեպտեմբերի 1-ից մինչև իր կյանքի վերջին օրն աշխատել է հայրենի գյուղի միջնակարգ դպրոցում՝ որպես մաթեմատիկայի ուսուցիչ:

1991թ. մայիսի 15-ին օսմանկանները նրան գերի են վերցնում: Հանդուգն պահվածքի համար նրան ենթարկում են անասելի տանջանքների. երեք օր տեղից չի շարժվել: Երբ մի օր փոքր ուշքի է գալիս, ազատ են արձակում՝ մտածելով, որ չի ապրի:

Երբ գյուղ վերադարձավ, համագյուղացիները տեսան նրան ենթարկած դաժան խոշտանգումների դրոշմները... Սակայն նա կարողացավ վերագտնել իրեն և շարունակել իր գործունեությունը հայրենի եզերքում:

Սիրում էր իր մասնագիտությունը և մշտապես կատարելագործում իմացությունները: Օժտված էր բարձր գիտակցական կարգապահությամբ, պարտքի ու պատասխանատվության զգացումով: Կատակասեր էր, սրամիտ ու հաճախ էր իր խոսելաճով գրավում շրջապատին:

Որտեղ էլ աշխատել է Գրիշա Ղալայանը, արժանացել է հարգանքի: Նա ուներ լավ ընտանիք, 3 երեխաների հայր էր և 6 թոռների հոգատար պապիկ:


Գրիշա Ղալայանը բազմակողմանի զարգացած մանկավարժ էր ուներ բազում հետաքրքրություններ, այդ թվում՝ սպորտի և մասնավորապես, շախմատի նկատմամբ: Վերջին մեկ տարում, մասնակցելով դասընթացի և հավաքելով առավելագույն միավոր՝ շախմատ էր դասավանդում դպրոցում և իմաստուն խաղի զարդանիշներն էր սովորեցնում իր փոքրիկ սաներին:

Գրիշա Ղալայանը միշտ կմնա բոլորիս հիշողության մեջ, և շատ ցավալի է այդ հնուտ և բանիմաց մանկավարժի անժամանակ կորուստը:

Նա գնաց առանց հրաժեշտ տալու, կարծես ունկնդիր մեծն Սևակի պատվիրանին. Միանգամից... մի վայրկյանում... հանկարծակի...

Մարտակերտի շրջանի Վանքի Գ. Հայրապետյանի անվան միջնակարգ դպրոցի կուլտետի

ՌՈՒԲԵՆ ՎԱՆԻ ԳՐԻԳՈՐՅԱՆ



73 տարեկան հասակում կյանքին հրաժեշտ տվեց վ ա տ ա կ ա տ մանկավարժ Ռուբեն Վանի Գրիգորյանը:

Ծնվել է 1939թ. սեպտեմբերի 3-ին, Մարտունու շրջանի Ավդուռ գյուղում: Որպես ռուսաց լեզվի և գր ա կ ա ն ո թ յ ա ն մասնագետ՝ նա աշխատել է Հաղորտու, Ավդուռի դպրոցներում, եղել է նաև Մյուրիշենի Ս. Սպանդարյանի անվան կուլտետության վարչության նախագահ:

Իր կյանքի ընկերուհու՝ Ռոզա Շաբարյանի հետ միասին տարիներ շարունակ տքնաջան աշխատանք են կատարել ուսման բնագավառում:

Ռուբեն Գրիգորյան իր գիտակցական կայնքը նվիրել է մատաղ սերունդի կրթությանն ու դաստիարակությանը: Եղել է պահանջկոտ, իր առարկային հրաշալի տիրապետող մասնագետ: Նա երկար տարիներ եղել է Ավդուռի ութամյա դպրոցի տնօրենը:

Ընտանիքում եղել է սիրված ամուսին, նվիրված հայր: Մեծացրել ու դաստիարակել է չորս զավակներին:

Կյանքի վերջին տարիներին արդեն քայլում էր ձեռնափայտով, զանգատվում էր արյան ճնշումից, սակայն չէր մոռանում դպրոցը, ուսուցչական կոլեկտիվին: Մասնակցում էր գյուղում կատարվող բոլոր միջոցառումներին:

Նրան միշտ հետաքրքրում էին դպրոցի խնդիրները:

Ռուբեն Գրիգորյանի անունը միշտ կհիշվի գյուղի հասարակության, առանձնապես՝ ուսուցչական կոլեկտիվի կողմից:

Ավդուռի հիմնական դպրոցի մանկավարժական կոլեկտիվ

ԼՈՒՍԱՐԱՐ հիմնադիր՝ ՍԿԵՏԼԱՆԱ ԽԱՉԱՏՐՅԱՆ Հիմնադիր՝ «Լուսարար» ՓԲԸ Գրքերի և փաստական տվյալների ստուգությունն ապահովում են հեղինակները: Թերթը ընթերցողների հետ գրագրություն վարելու պարտավորություն չի ստանձնում: Տպագրվում է Ստեփանակերտի «Դիզակ պլյուս» ՍՊԸ-ում: Տպագրանակ՝ 3171: Ծավալը՝ տպագրական 3 մամուլ: Ստորագրված է տպագրության՝ 15.06.2013թ.:

«Լուսարար» թերթը տարածվում է միայն բաժանորդագրությամբ: